

經部

周易義海撮要卷五

詳校官侍郎臣李 封

通政人司副使臣莫瞻亲覆勘

校對官助教臣汪錫點 總校官進士臣縁 腾銀監生日徐 廷珠

琪

人にり事とい 信之法宣其號令即柔邪者危故曰字號有厲以 與利反者也剛順則君子道消柔消則小人道順 主要是自己的 王庭百官所在之處以君子決小人故可顧然發 人斷之事於王者之庭示至公而无私隱也用 一般の存職務をありいけい TANK STATE 問易我海攝要 丁號有厲告自邑不利即戎 揆 剛 明

金ラロス 常懷危厲故录曰危乃光也介告自邑者命始於朝 往 小人已窮又攻之不已是尚勝君子不為也利有 廷行于國色亦自邑而行之不利即戎者一陰在 柔邪當先明信其法宣其號令一小人猶在上故須 柔邪不消故陽文宜有所往則夫道乃成正凡決去 疾以此用師必有不利雖不利即或然剛德不長則 制斷行令於色可也若用剛即或尚力取勝為物 剛得中也 المالية المراكب 陛 攸 所

大正の自己的 **東曰夬決也剛決柔也健而說決而和揚于王庭柔東** 五剛也等號有属其危乃光也告自邑不利即我所尚 乃窮也利有攸往剛長乃終也 庭介四罪而天下成服健而說決而和也陳古之 説則決而和柔邪者危其危乃光尚力取勝物所 東九五之剛衆陽比五親決五為王位故曰揚于 柔為逆衆所同誅而无思者故可揚于王庭健 而 剛德愈進柔邪愈消往乃成也注柔東五剛上六 周易義海振安 同

金切也是名言 於殺以失人之情豈知健決有和說之義一柔東五 清君側猶鑿木去蠹熏社逐鼠如漢唐之李名外兵 動而不窮也不能揚于王庭孚大號于下籍戎兵以 小人之道光如唐去李輔國則不光矣舜修文德 剛小人得位未易去也故曰揚于王庭柔東五剛也 退人以禮其用刑至于殺之而不怨彼嚴而少恩敢 王无畔援散美告自邑之謂所貴乎夹者乘時去害 不来五剛而未去其危之道其危猶日其亡則決

象曰澤上於天夬君子以施禄及下居德則忌 彦範之不誅武三思卒為世患剛長不終也未 嚴不可以慢故居德以明禁也此若以德惠自居 澤上於天必來下潤施禄及下之義忌禁也法明 之道有始必有終夫始於復其剛浸長一柔尚存 以去近得其禍至于覆宗聖人之戒不其深乎君子 夬居德則果於自用衆之所惡 今夬决之世君必 先 能及物君子所忌惡也不以失施禄則果於養賢 斷 不 桓

THE STATE OF THE S

周易義海禄要

金号四月月十 然忌憚 德居位而必去之則忌於上決矣達雨澤上於天其 無 勢不居必決而下流君子之於德寬以居之然 則當作明字 以仁義之德自居於身然後可以明禁思以示天 此居德則忌 行居德明忌合夫之義代君子居德於身小人自 行之若決而散則不可以畜矣故以此施禄則 岐 褓 不可妄施於下宜有德者居之小人 胡用健忌於不悅決事忌於不和威惠 夭

にこり見いらう 九二楊號莫夜有我勿恤象曰有我勿恤得中道也 居健之初為決之始宜審其策以行其事注暴虎 九壮于前趾往不勝為谷象曰不勝而往咎也 克之人夫決之道不能用之以漸而躁以決之理 无應不可先動朱 不勝而猶往馬自為各也除未有權位而足將前 河謬於用壯不勝之理在往前也正剛以應剛不 人之大事莫過於戎戰之不勝由前不能料敵也 1/68 **周易義海拼要** 妆 泌 能 馮 石

金只四月百言 夜警也有我勿恤静也得中道矣坡 大當之石内懷就惕外嚴戒號 之誣讀之當曰楊號莫夜旦古之剛斷賴此者衆 居健復中能審己而不疑者也雖有惕懼就呼莫夜 可謂勤矣可謂能矣恐有它患者外人之解被次者 位之不當故必惕惟守正中之道行號令至于暮夜 有我不憂不惑注初不以漸二則惕懼而號戒之體 大得中而小心翼翼故莫夜有我不足憂恤 伊我上六也楊號莫 九 亞

·) ...)) 1 象曰君子夫夫終无咎也 九三肚于煩有凶君子夬夬獨行過雨若濡有愠无咎 為羣而獨行殊志應於小人則受其困馬遇雨若 頫 有恨 處之則棄夫情累決之不疑故曰夫夫若不與衆陽 助柔則凶夬為剛長而三獨應上六助小人也君子 文俱欲决上故曰君子夬夬也獨行謂 面權謂上六也剥之六三以應陽為善處剛長而 而无所咎也注九三體乾乾為君子三五同 こよう 周易義海很要 一爻獨 功 濡

時也應在上六未可以決之之位也夫夫者必乎 終 欲 者志有存馬陸 鲯 牧 陰 獅 岡川 姛 无咎謂三始欲助小人終能變而從衆故无咎 九外 在 行殊志後遇眾和同遂鄉善疾惡怒而決之故 故外有沾污之累內有愠恨之恥然終獲无 相應為除所施故遇雨也首當君子之世而應 上而見於外 见 壯 于 濡變也愠怒也陰陽和而 頄 體之无 者也陽未上行未可以勝 能為者也九三乾 為 雨 體 隂 三 始 咎 之 之 也

STATE OF THE PARTY OF THE PARTY

金贝四月百里

欠臣四年之時 愠之者矣和而 不同有夫夫之志馬何谷之有然 子與之和也偽數曰誠信而與之和何偽馬使彼 **羣陽決陰而已獨與之和其非可知矣惟果於斷** 遷善以從已與之和同而无夫矣介煩在上而未 汙也故曰若濡君子之所為衆人固不識若濡則 時之未可而不失其和也應乎上六而與之和疑 于上三之象也上有君而自任其剛壯于煩者也 辭也必乎夫與壯于煩何異以其能待時而動 用易表海探要 方 君 有 知

鱼父口尼 次 九四臀无膚其行次且牽羊悔亡聞言不信象曰其行 悔 遠絕之見濡而有愠色則无過矣三體健處正非必 且位不當也聞言不信聰不明 有是失因此義以垂教伊 進決柔而逼於上坐不能安行不能正剛而不當 亡剛亢自任不能納言同於噬嗑滅耳之凶 之物謂五也五為夬主非下所侵若牽於五則 岡川 而進非已所據必見侵傷失其所安羊抵狠 卷五 也 注 志

MILLIN.

とこの見とう 中不正宜從衆取順牽連乾之三爻既順三爻不无 盡 位也羊紙突不回之物比之用壯者能自牽繫其志 道也子羊謂九三若能牽連九三之剛與衆賢協 不 能前羊羣行之物也能自牽以從其羣則悔可亡 矣 連五之義遵以陽居陰剛決不足欲止則衆陽進於 故傷而不能安欲行則居柔而失其剛故進而 力上決於小人則其悔可亡也胡四承上履剛 縱其比則悔亡也是語也聽之而不能明昧其為 7 周易義海振要 **₹** 非 ど 不

多分四月日書 九五道陸央夬中行无咎象曰中行无咎中未光也 脫之物 西陸者最高之地若小人在高位衆人疾之 躬自決者也以至尊敵至賤雖克勝未足多也處中 草之柔脆決之至易故曰夬夬五處尊位最比小 决之亦易矣故卦惟一 草一名商陸董遇云前人嵬陸商陸以為二草俱柔 聞善而能用惟剛明者能之伊 而行足以免各而已未足光也注諸家以見陸為 陰五以剛中正居尊位而反

とこうる 上六无號終有凶象曰无號之凶終不可長也 號令嚴信告自下邑而共決者哉收上六居衆陽之 處夹之極君子道長米所共棄非號此所能延也 能光大乎莧陸感陰氣之多而其柔易折今所謂馬 无號禁之也正小人東至尊雖无號令終自有山 齒見是也 伊詳注驗經誤增中字,成 為无咎五心有所比以義不可而決之然於中道其 比之其咎大矣故必夬夬如覚陸然則於中正之道 1.14.5 周易義海撮要 况 注

到近四周月音 此卦 在初六其愈尚微安得女牡乎巽為長女為風為 至甚故戒之曰此女壮甚勿用取此女也疏 又曰小人東尊位不承號令而致凶也徐 无號者陽不警則有以東之然終亦凶 天亦終不免凶咎胡 上為不順之人合當誅罰是則王之號令所不及 |乾上始女壯勿用取女 一柔遇五剛施之於人即是一 QP. 不 能號此以憂而改修其道 女遇五男淫 坡 雖號呼 姤之 矣 壯

大日日臣 八十五日 哉 遇 **录曰始遇也柔遇剛也勿用取女不可與長也天地** 品品 娶下誤增女字 凡言義者不盡於所見中有意謂者也注就卦以 陰遇陽有長女之性風動而无所不入陸陽在 物咸章也剛遇中正天下大行也好之時義大矣 則與陽遇故曰始介小人有不正之行而遇時 物自下上則反其所故曰復陰者在下之物自 京 周易義海推要 腍 ド 相 集

金片 時皆得中正之位則天下人倫之化大行非正義 名義只是女遇於男博尋遇之深首乃至道該天地 也中正者五也坡巽為女既已長矣又始五月之 九五有德有位故教化大行胡二五之剛在始遇 正凡人有剛明之德不遇中正之位則不能行其 口月五十 避妨无臣也九五亡而後為剥始无君也剛 剛遇中正之柔男得中正之女也的九二亡而 陰用事剛沒而順長陰之來剛 卷五 不能制是謂女 者 後 さ 道 핡

次定四車全 初六繫于金桃貞吉有依往見凶贏豕乎蹢躅象曰繫 象曰天下有風姤后以施命語四方 風 后者后王所為財成天地施命語四方是也君子 下之通稱王公之通稱曰大人世 樂省方刺法閉關育物享帝之類皆所以立法 此施教命告於四方也正諸象稱先王者如建 行偃草天之威令風行天下无物不遇故人君法 周易義海撮要 制 國 作

于金妮柔道牽也 承五剛體夫躁質得遇而通散而无主自縱者也 是見矣其為淫醜若羸豕之務躁而蹢躅然也 之為物不可以不牽臣妄之道不可以不貞故必繁 金者堅剛之物根者制動之主贏豕北豕也羣豕之 于正應乃得貞吉若不牽于一而有攸往 肅之徒為織績之器惟馬云在車之下所以止 殺强而 北弱陰質而躁恣者贏豕特甚初以 行 則 惟 柔 柔 凶

次定日華 全等 九二包有魚无咎不利實象曰包有魚義不及實也 初以陰處下故稱魚捨九四之正應樂充九二之庖 使不得進則陽剛貞正之道進而往則害陽而見 凶 之曰贏豕乎蹢躅君子小人異道雖微弱之時未當 豕陰躁之物微而在下中心常在於消陽故聖人 戒 則貞吉復往見四則凶矣、陰微未盛之時固止之 无害君子之心防於微則无能為矣伊 正 絲繋於祝猶女繋於男故喻以初宜繁二也順 周易義海探要

遠乎初二近而有之不及衆也 達九二居非其位 亦非正人初來因而攘之同惡共隱雖不惟禍咎 能包而有之使其邪不及於外陸二以陽處中有包 廚不正之陰不能逆近也非為犯奪故得无咎擅 容之德使初之淫醜不彰於外義存掩惡中饋非 之物以為已惠於義不可及實 正實謂四乾尊稱實 不足成禮其能致於實乎收魚民也實衆也四陽 據四應不利實也虞不正之陰與剛中之二相 11. IN 是 댭 正

たこの時人子 牽也 九三臀无膚其行次且厲无大咎象曰其行次且行未 義不及實也世 然履得其位非為安處不遇其時故使危厲災非 之間顧遇民之道如何耳朱遇道當一二則離矣故 分民得道則歸往失道則攜持而去初九遠近內外 可聞於它人乎陳一民不可有二君古者有分土无 據於初居不獲安行又无應不能牽據以固所 周易義海撮要 處

金牙四层 招故无大咎 注 哉處則為二所侵行則遇情未忘可謂危厲然九 必求相遇二比於初已包有之三非義求遇何 不合衆是以危厲然不為妄有何大谷東 四自起凶不可以承則是持正堅固不苟合之人 正 所制未得牽已故咎不至大陸以陽居 而不居中是執節過苦者也二為不正 正處異知義不可而含之初陰不能牽其後故 祁刀 若牽三三則必行斯大咎矣初 卷五 陰陽之 不可 陽正也守 肵 ٧ノ 情 為 據 得 レス

にい回言 かろう 一門 有順自天志不舍命也 九五以祀包瓜含章有順自天象曰九五合章中正也 九四包无魚起凶象曰无魚之凶遠民也 大咎朱 中是寡助之人也 胡民所系者德也二以中而系 之 得道者多助失道者寡助今九四居不得正履失 其 民歸之也是以起凶陳起凶難將作也伊起動也來 二有其魚无民而動失應而作是以凶也注孟子 周易義海撮要 日

多分 其所體 尊位而不遇其應得地而不食含章而未發然處 意於五此瓜蔓延滋之象五以重剛下際於一 也莫不咸賴矣謂剛遇中正而天下大行也子 瓜而已含章明之德志在行道不舍教令如天之降 至於悔也五德博道尊謀其道不思其欲故食祀包 祀之為物生於肥地包瓜為物繫而不食九五履 不舍命惟天能順之耳正无中正之德者皆因魚以 四層有書 剛居中志不舍命不可傾随注 P. 居尊當位志 隂 初 得 有 得

當天地相遇之時使萬物各正性命者也剛健處尊 應如紀梓美才反不見用包瓜如吾豈包瓜也哉 章美率性修道志不合命此能知天命而不憂者也 中正无私能施詰命大與教化所謂剛遇中正天 應如不遇時者此與录剛遇中正之說殊也得位 大行此有其德有其時有其位者也外施教化內 根深之象也此君子用剛正之德正小人淫邪之心 自非天順其命復何憂於患災也陸九五以文位无 含 无

次足四軍在事 一

周易義海損要

金为口压石量 義美才不用內含章美而不見食也有随自天者君 美之德有唱而无和是以焦心勞思以求天下之賢 是以盡其至誠不舍其命以求賢言天若順墜我之 子仁義道德修諸身遇不遇用不用歸之天雖見傾 延蔓缠繞為累也已有剛明之才含畜仁義禮樂章 不遇其應衆陽在下各固其位猶紀之茂材為瓜之 **順不以已命不遇舍道德而改其志也不為始之主** 命則已若未墜其命則我求之不已天必生賢臣以

火色四華全島 一門 賢如紀之包瓜也內藴中正之德充實而成章合章 之得傳說周世宗之得王朴胡杞得地也勢无應也 為已輔佐志不舍命者我之志不舍求賢之命高宗 不合命也集把高木大葉處萬體大可以包物者也 功一陰為亂若不除去是舍命也故曰有隕自天志 者也人君如是所求其有不遂乎故有順自天言 瓜美實在下賢人則微之象九五尊居君位屈已求 含章中正也有順自天奉天命以翦凶孽也五陽同 周易義海操要 五

金贝口 謀而已以謂天之所命以祐下民者在我有險越者 勝天然或不勝至於順越亦天也九五之志知盡 包瓜用九二以防民之潰者人也盡人謀則有時 葉大而蔭可以此下者也瓜譬則民瓜雖可欲而 九二之賢而用之以剛守中道防民之潰故曰以 必自内始九五當陰長之時含章不耀中正在 得之也命天理也至誠求賢亦不違天理而已 自天順之各終不舍天之命也米 11 THE 上 伊 遇 人 潰 杷 而

人上日日日上日 上九始其角杏无咎象曰始其角上窮各也 最處上體進之於極无所復遇遇角而已角非所 遇 相 健自保而已故无咎隆至剛而在上者角也九以 无山谷上窮者處於上窮也正過中失位是以 與无遇等故獨恨而鄙吝然不與物爭其道不害 居上故以角為象人之相遇由降屈以相求和 接故能合也上九高亢而 固可各也將安歸谷乎 周易義海撮要 1月 剛山 極人能與之以此 各 順 故 安

金艺工厂石書 利有攸往 11111九十萃事王假有廟利見大人事利貞用大牲吉 常通而利正大人為主聚道乃全以此而用大性 者三十六唯萃有二亨表中又无相關之意陸氏云 明降福人聚神祐何往不利正三十七卦緣解有亨 聚而无主不散則亂惟有大德之人能弘正道乃得 與无廟同王至大聚之時孝德乃治始可謂之有 抬民聚物其道必通天下崩離民怨神怒雖復亨祀 神 廟

欠巨口巨 上 享也利見大人字聚以正也用大性吉利有攸往 **录曰萃聚也順以忧剛中而應故聚也王假有廟致** 命也觀其所聚而天地萬物之情可見矣 應不失中非强亢也如此方能聚物聚道既全至於 但順而說邪传之道也順說而以剛為主非 宜屬上句王弼云通聚以正以亨字連下句非也 諸家本无惟王肅本有利見大人亨聚以正也亨 下順而上院相聚而亨也 周易義海拔要 陸 那 順 侅 也

金写 电压温量 親 道通而化之然後聚道得全也天之為德剛不違中 同也情志若乖无由得聚故觀其所聚 不利 今順以說而以 有廟設祭祀而致孝享也大人有中正之德能 魂為變魂氣游散无所依歸故聖人於萃聚之時 之情可見矣正王五廟上聚百物以祭其先於廟 奉上也績氣聚而生故精氣為物氣散而死故 可用大姓以事神明九物之所以得聚者由 岡门 為主是順天命也動順天命无 則天地萬 ٧Z 情 游 往 正

次年四華全等 一 應 聚物以羣分有類必有黨有黨必有争故萃者争之 所以假有廟以致孝享教天下孝也移易曰方以 能萃聚天下民心歸之當須有以教之教莫先於 能散謂之仁散而能節之謂改且天道惡盈物又 宗廟以致孝享隆人之來聚聚於貨食也人君聚 大也盡取文以觀之五能萃二四能萃初近四而 可以終通故聚而能散散而能節斯順天命也收 則四能萃三近五而无應則五能萃上豈非爻 周易義海撮要 鹣 无

金灯口匠 聚以正也王至于有廟而盡孝享非安且暇不能 納之不從者付之萃有二字萃未有不亨者其未見 大人則專而不正争非其有之謂故曰利見大人事 應者二與五而已大人者因其所幸而聚之從我者 見其安且暇安能不聚而歸之此聚之正也易言薦 之際也哉且天下未有不萃于一者順以說剛中 與倫享非正言也皆有寄馬易曰何以聚人曰財 大牲猶曰用大利禄云天之命我為物主非以厚我 用 物 而

初六有乎不終乃亂乃萃若號一握為笑勿恤往无咎 象曰澤上於地萃君子以除戎器戒不虞 聚而无防則衆心生法澤上於地則水際聚除 聚必正情也 備 水涤則傷物義必不然 Œ 也主而享之則過矣故利有攸往順天命也不期 放 胡不言水者澤既上於地則 牛歸馬除去戒器因民之隙訓習師旅以為 坡 肜 素 潤澤廣備物得廣聚 治 國 也

欠巴四巨人生 明

周易義海撮要

金分口 象曰乃亂乃萃其志亂也 志必伸陸號呼自省度其可否反而晒之子初未適 也未及於中故不終也一握非所長之意為笑順從 與物争則不憂於三往必得合正坤順之始有信 儒劣之貌 法若自號比於一握之小執謙退之容不 三之意若號而自謂已非有所長又順而從之即所 道以結至好情志迷亂萃不以禮一握小之貌為笑 有應在四而三承之心懷嫌疑故有孚不終不能守 月月十十 者

7.17 EN 11.1 中誠信未定若人以已處萃之始未至盈大以小見 笑則勿用憂恤終得盈大動而有應故无咎收初 四為正應有孚以相從者也當萃之時三陰无守正 之節含正應而從其類則有字而不終也乃亂感其 則无咎不然則入於小人之草矣 初六柔不中 正 心乃萃從其類也初能守正不從若號而求正應 則 進則疑六三之間已退不能專一 握為突矣一握謂聚而為笑也勿恤而往從正 周易養海軍 以待應乃亂者退 Ŧ 應 與

之道朱 子之正義畏小人之非笑相率陷於非義皆不知萃 萃聚之世上下相求以陰從陽動而得正何恤小 感亂不決是以有享不終若四在上號名之三陰 不 之笑而不往哉自古不知堅守其節從應以動拾 而亂於三陰之中乃萃者欲進而與四相萃也其志 正惡初之往合於四一握其手笑以喻意微動之也 引吉无咎孚乃利用榆象曰引吉无咎中未變也 君

一多定四月全書

卷五

とこうう シュー 違時須得牽引乃无咎居聚之時處於中正而行以 ロロ 忠信故可以首薄薦於思神正柔不先個盡誠應五 谷矣雖誠信可以薦神明而不能協衆以其守中未 知變也陳二與五為正應而相遠又在羣陰之間 應於正不同其它咎何免矣若能引已接衆則吉无 五必見接二下之中也中正盡誠祭必受福何尚多 以陰居陰復在坤體志於退静則是守中未變乖衆 陸萃之為道不期而聚相聚之理貴於和同二 -周易義海禄要 主 獨

新庆四月全書 也 六三萃如嗟如无攸利往无咎小客象曰往无咎上異 之應害所起也故萃如嗟如上六亦无應而獨立處 **履非其位以比於四四方失位不正患所生也千人** 間能自守不變遠須正應宜剛立者能之二陰柔之 引而後得其萃也二與五不相引則過矣處羣陰之 極而憂危思援而求朋異以待物者也與其萃於不 才以其有中正之德故可親其未變耳伊 卷五

钦定四軍全書 啊 九四大吉无咎象曰大吉无咎位不當也 處處萃之時不正而據必立大功乃得无咎正以 以陽居陰復非其位而下據三陰得其所據失其所 則 萃於四四應初欲萃於二二應五莫知所萃故萃如嗟如 不若一陰一陽之應故有小各法六三優非其位欲 上六元與據高慮危孤立求助六三動而往則正正 正不若之於同志故可以往而无咎也二陰相合猶 无咎然萃於四二之間故小本 周易義海桜要 陽

惜不正之惡而能九合諸侯立大功以掩其過正合 永正於勢可勝諱哉惟造微者敏於畏坦管仲有奢 嗚呼王得貴位惠未孚而民不趨萃道固鬱矣若捨 辭而直謂大吉然後无咎者何顯戒之也夫萃之世 此象玩大吉謂匪躬盡瘁始終无玷可免專民之咎 弱 居陰故位不當承五應初故大吉无咎虞九四无它 接三陰民樂歸之者也若不專君惠吉非大者乎 趙於剛閣依於明四臣位也陽處之始以說以

次定四事全等 光也 九五萃有位无咎匪字元永貞悔亡象曰萃有位志未 既得威位所以无咎匪孚者良由四專而據已德化 雖得上下之聚必大吉然後无咎大周徧之義天下 得君之聚下比羣陰得民之聚四以陽居除非正也 是也其得為大吉乎 若以立大功免咎實憲何以伏誅 房上比九五之君 之聚固有不由正道而得者如齊之田常魯之季氏 周易義海猴要 伊

於弱也永貞臣道也元善也始失信於民故有悔以 守其中道永保自古故悔亡也唯以陽居陽是不拯 應於二故曰未光四據其民志不為邪将立大功 梅七今時志意未光大也正當萃處尊不能博施 大德久行其正則其悔可消故曰元永貞悔亡久乃 不行信不孚物自守而已故曰无咎匪孚若能修夫 能依附臣之善道故得亡其悔水 於五五未失業故无咎匪字也體元善居上應 匪孚者以其應 獨

大田田田 人」 上六衢咨涕淚无咎象曰齎咨涕洟未安上也 苗民匪乎而舜乃誕敷文德元永貞悔亡之道也悔 則道未光也自反以修其德則无思不服而悔亡 下之衆得中正之道无咎也如是者不信而未歸馬 我德化不弘信未及物永修仁德悔乃消亡白萃天 比天下之道與萃天下之道皆在此三者伊 者志未光也元謂有君長之道永謂可久貞謂得正 之於一不能盡天下之誠竟四幹其位民咸附之是 周易義海提要 矣

金气口 萃則憂危恐懼故至涕洟不安於上欲下與三三 亦 憂病之甚至于涕洟不敢自安亦衆所不害也 注 危莫甚馬齎谷嗟嘆之解若能知危之至懼禍之深 涕淚乃其自取又誰咎乎 世上以柔東剛處上獨 居於上極五非所東內无應援處上獨立近遠无 猶持也咨猶才也无應乗剛持小人之才而无所 之才說高位而處之天下莫與及其窮迫則顛沛 无應與已同志故獲无咎陸上六說之主也以除 人人 卷五 示 齎 與 而 助

久日日日 二十二 徳日升用此而往可見大人柔以時升志在濟物 必陷升故有喜馬升而向明吉其宜矣陸尊之无此 異順可以升陽爻不當尊位无嚴剛之正則未免於 危而无助必至於求萃而之三齊持也咨嘆息也 上故謂之升之木柔地順養而長之此元亨之德其 憂以柔順之南則麗乎大明也法木生地中日長於 三相持動而憂則无咎三亦陰柔不足為助 周易義海猴要 萐 物

勿恤有慶也南征吉志行也 **家曰柔以時升異而順剛中而應是以大亨用見大人** 金只也是百量 塞必致慶喜往於聞昧非其本志今升於大明 得行也正異以剛中而往坤以柔中而來以質 應有此衆德故元亨以大通之德用見大人不憂否 自升剛亢則物所不從卦體異且順九二又剛中 六五陰柔若不得時則不能超升貴位純柔則*不* 故不云利見代 升 丰 志 虚 17i)

欠包四段 白色 象曰地中生木升君子以順德積小以高大 正者也二以剛中而往不為邪韵者也往則見納 武王終獲南狩之志湯亦伐樂升自陑陑南也陽 明君子之志得此謂六四之德也收南征前進也 而發生故南征吉志行者文王柔以時升漸基王迹 也兹乃元凱之升於舜也陽氣左行而南巽順陽 石投水若行此道以求見大人則何用憂恤必有慶 下相應是以大亨也五以柔居尊位是虚已而中 周易義海探要 İ 如

禹以 正及 台書 初六允升大古象曰允升大吉上合志也 德而升何往不從故六文之義鮮有各悔陳 位九處升之初為異之主无應於上進不在私四亦 謂二三也正初雖失正乃與二陽允然合志俱升五 異三文皆應升上二三有應於五六升之不疑惟 精其小善以成大名善不精不足以成名是也**正**精 无應當二三升時與之俱升必大得矣上合志者上 木生地中始於毫末終至合抱君子象之以順行德 初

九二乎乃利用繪无谷象曰九二之孚有喜也 志在大業故乃利用納約于神明注上升則為君 與五為應往必見任體夫剛德進不求龍問邪存誠 大馬允信從也伊 任也初无應而能信從於二與之合志而同升吉 之剛異之至者也二以剛中之德上應於君當升之 无應與已合志為聚所信故升而大吉 陸初承九 所 孰

大田田田 とかり

任納約則為神所享斯之為喜不亦宜乎注剛而

周易義海根安

Ī

金片 而臨 誠於五故皆利用倫陸二以陽剛而事系五以除 與萃為反對萃之六二以盡誠於五升之九二以 馬上應其誠下升而大雖非其位得其道也故有喜 可以行剛中之道而澤天下是以喜也伊 无咎子以陽處陰以剛應柔以此而升恭以應也 正中而无私應上以孚盡下之義豈俟豐物而後享 口犀手 用橋言當以誠感通於上臣以誠事上豈唯无咎 明勢非誠服上下之交不誠 卷五 其可久乎故学乃 推

てニリラ 也 九三升虚邑象曰升虚邑无所疑也 色法上六陰柔不能距已往必得色何所疑乎正 四王用亨于岐山吉无谷象曰王用亨于岐山順 復得其位以陽升陰以斯而舉莫之違距故若升 虚 升是矣介 无難之者其升无疑升虚邑者易而小之也湯武之 稱邑也五虚无君利二上居之 首剛得位而有應前 1111 周易義海振要 Ŧ 护 事

多定四库全書 坤 居柔而在下止其所也上順天子而欲致之有道下 分天下有其二以服事商是順而事上也石四以陰 山陸下有三久皆務上升已當納之上近至尊體 随文王之德太王在岐直口岐山武王在鎬故口 文王岐山之會也順物之情而立功立事故曰順 六四處升之極下體三文皆來上升可納而不可 正 升之六四柔以時升太王之德隨之上六天下 順又順事於上文王岐山之會得上下之心也 卷五 是 悅 事 距 西

シャンラいい かとい 六五貞吉升階象曰貞吉升階大得志也 **階保其尊貴而踐祚矣正以柔居尊有應於二是能** 咎至矣如文王可也伊 谷之解者居近若之位在升之時不可復升升則 順天下之賢而使之進已則止其分馬分雖當止德 委仕於臣又以居中是正而得古也升階者如自 六五以柔居尊位納於九二不自專權故得貞吉 升 則當升道則當亨盡斯道者其唯文王乎然而有无 周易義海服要 둦九 階

多定四库全書 上六冥升利于不息之貞象曰冥升在上消不富也 於升進之理若能知時消息不務進往而守其正即 之主則丧矣勞不可久消之道也注已在升極是味 進而不息雖冥猶升施於不息之正則可用於為 君臣道行由是而致治故五大得志也朱 升堂得居至尊之極也石六五虚中降位而接九 不終其能吉乎五正而吉者以二升階也五正二升 九二階之以升則五正而吉不正則信賢不篤 卷五 用 賢 物

とこの日本子 香冥也言升之極而至於香冥矣是升而无所往畢 納之又幾因置故利于自强不息自幹以齊于衆矣 利也息如生息之息但自消退不更求進乃利也消 衆陰之上自下升者无不異順已勢高權威合推 功 然非有大人之德者其孰能行之哉收處於升極在 然君子居于上位衆來升已不以耗損多而不納之 凑于已也且衆凑已則所耗至多故象曰消不富也 不富蓋非陽文无陽明之德所以消不富也石冥 周易我海损要 謂

金牙口丹石書 ■ · 允上田亨貞大人吉无咎有言不信 冥晦陰虚為不富朱 要久行正道疏謂為改不息終至消耗非也的以 讓能奈進不得中升而不已至于不可升之處猶自 散无以保其所有之富盛矣孔子云利不息之貞者 升之是冥升者手若不能止必致其困既因物必消 窮必通也處窮而不能自通小人也沒履正體大之 人貪求无已之心移之於進德則何利如之伊坤為 7

いいのはんな 咎 有言不信正貞大人吉謂五也在困无應宜静則 身修徳若巧言飾辭人所不信其道獨窮故誠之以 也大舜發於畎畝傅說膠馬叔敖之徒皆是也天降 有困厄長守正道以爻論之二五皆有剛中之德 言困方辯其德故曰正大人吉无咎言大人君子 掩而不失中與五同志是以亨也 陸易曰困德之 虞因者柔掩剛君子因於小人者也九二剛雖 能濟於困然後得吉而无咎處困窮之世在於 用易義海猴要 然

金为口四百十 **录曰因剛揜也險以說困而不失其所亨其唯君子乎** 大任於是人必先苦其心志勞其筋骨而後事仲 而之險坤六二上為上六而掩剛成困之義剛見於 有言不信者在困言則 厄陳文王囚羑孟子不遇首卿逃讒是能守其正者 不失中所以亨正大人吉以剛中也此因而亨者正 而无咎救時之困利見於行事不可垂之空言也 也惟大人能舒當世之困解民倒懸救民塗炭則吉 誰信石乾上九降居二位 . 降 房

18 CHT 10 101 CT 貞大人吉以剛中也有言不信尚口乃窮也 亨者謂二雖掩陰陷險猶不失中與正陰合故通 大未能濟困正剛排者謂二五為陰所掩也險以 剛 居王位則吉无咎也尚口乃窮者陰從二升升上六 者謂五雖掩於陰近无所據遠无所應體剛得中 者此卦否卦陽降為險陰升為說也困而不失其 君子雖陷險中不失中和之行也貞大人吉以剛 則正直所以為貞中而不偏所以能大若正而 周易義海探安 Í 喻 中 所 說 jĒ 不

象曰澤无水困君子以致命遂志 金牙口尼 成光為有言失中為不信動而来陽故曰尚口乃窮 期於致命喪身志不屈撓改移也正 遂其志胡致至也遂安也能說困以盡心盡心以 君子達性命之理不以困躓易其節操恬然自 可奪何致極盡之義道之不行非己之咎蓋天命 也 水在澤下則澤上枯槁萬物皆困君子遭困厄之 前初六六 三雄九二六三上六雄九四九五 石量 命可致而志不 世

欠足可事心的 幽不明也 初六臀困于株木入于幽谷三歲不觀象曰入于幽谷 困矣然水在澤下未嘗不通 *當困之時盡其道 處馬人得之天失之介然達馬處與達適於正而 安 其志此孔子苟孟身困而道事也坦澤无水則澤道 行吾義而已所以遂為善之志 伊 不得免馬命也知命之當然雖厄窮而不以動其心 知性以至命樂天不樂乎人天得之人失之恬然 周易養海排要 季 而

金气口 自達以至三歲不朝困之甚也陸 最處低下沉滯甲因居无所安欲之三應二問 困之為道不過數歲困解乃出故曰三歲不 必至以求安臀者坐之任也株木槎林之木其形凹 无所親見故曰入于幽谷有應在四體性底滞不 株木象也失位困極故困于株陰質幽暗水 居 則困于株木進不獲極必隱逃者故曰入于 謂之林正以陰處下曆之象也坎於木為堅多心 初居下處因未 性 覿 趨 幽 注 其 通 谷 路 下

能共理其險直待三歲政成乃可見矣的 劣不知幾執志係應不回心助明故入于幽谷三 谷流下退則轉之幽暗是愈遠所亨故曰入于幽谷 不朝者自初至四歷三文故以為數馬四處困初 言凶者以因而退故不履凶收株木二也初欲進一礙 坎之象坐槎木而不安遂退矣求遷于中則近事坎 二二在困險中所依不可移易故以株木喻馬初 三歲數之成也久也求事而計馳雖久无所親矣不 初在下不 歳 暗 ホ

欠已日年在与

,周易義海撮要

毒

金火口 故初六之俸九二必将有待於六三六三則其所 也三歲不觀不明乎處困之道也朱揜非一人所 體之下為臀剛而不中不安其居困于株木豈能濟 中臀之象株木不能此陰其下九四因於九二不 反退入幽谷尤夫其所是自困而不 進而應初株木之象也今有應在上不能進而求 臀也臂得其所據而後其身能有所為今六三之所 人之困哉初迷謬自四反二二又深陷猶入于幽谷 尼人門 表五 明也 房四在 亨 敢 謂 上

久江口司 八十丁 周 九 酒食中有慶也 皆 難之所濟履中則不失其宜无應則心无所私以 以陽居陰尚無者也無以待物物之所歸剛以處險 二困于酒食朱紱方來利用享祀征凶无咎象曰因 也 則其誰明之有配在四而不善二是以三歲不得見 據者 葉報也則臀之困於株木身且廢矣株木族 教 坡 非臀之所據夫以柔助剛則其幽可明以柔掩 周易義海撮要 剧门

金牙四月月月 夫言之或酒食可以說泉二以剛質為陰所掩然由 者天子所賜大夫之服文王之困其位在二故以 而得中大人求通所以獲吉以大人道濟天下醉飽 處困物莫不至不勝豐行故曰困于酒食美之至也 往 坎北方之卦朱級南方之物處困以斯能招異方者 正九二以中和居亂世困于酒食者困于禄也朱統 也 豐衍盈威利用享祀盈而又進傾之道也以此 山誰各乎法二以中德被物 物之所賴故曰 有 慶 洏

九巴山町山町 图 萬物之心當受命于天天禄且至享祀則曆大福故 為主而濟險難謂此人可衣朱統而享宗廟也征凶 德无應於五又在險中如賢人君子不為上所養 此文王美里之難而受命之基生馬陸二有陽明之 日朱統方來利用享祀也享謂享帝人臣行之當 山 朱級祭服方來者方方而來皆云此九二君子可以 谷石處困中而有剛明之德能自濟者也能自濟 既在險中何可以行无咎以其居陽明之德可以无 周易義海撮要 美

免员正居台電 泉皆歸之衆歸則所奉者厚困于酒食厭饇之象 与正居名言 医 * 盡此矣復求進凶禍必至凶禍之來已所招也復 類皆謂以至誠上通於神明故利用專祀人臣之分 也二雖因厄无所動心其所欲者濟天下之困也未 咎於人此亦戒之之意胡酒食人之所欲所以施惠 委任之降體貌以禮之寵命將至也易中言專祀之 方将也朱紱天子之服二有剛明大中之德天子必 遂其欲困于酒食之謂二以剛中之德困于下上有 何

次定日自己等 誠而已不能守誠安處以俟命往而求之則犯難 也故同德相求如君臣朋友以義合也方始困則 同德相求蓋小畜以陰畜陽因以柔揜剛皆厄於陰 聖賢困於幽遠德卒升聞道卒為用者惟其自守 者也在困之時至誠如享祀則足以通於上矣自告 也以行來為義故以嵌膝言之享祀以至誠交神 九五同德之君方且來而相求朱紱王者之服敬膝 將誰谷子諸卦以陰陽相應而吉惟小畜與困 **两易義海撮要**

金天正尼人丁 于族教東剛也入于其宫不見其妻不祥也 三困于石據于蒺藜入于其宫不見其妻山象曰據 三以陰居陽志武者也四自納初二非所據无應而 安而不能動者也應在上六而上六不能應故曰困 則通分言之則祀天神祭地示享人鬼五君位言祭 二在下言享各以其所當用也伊 上下之與有則非困矣故徐合而後有說祭泛言之 馬得配耦注祥善也吉也必有凶也正石之為物

といとりまといれず 為陽而求配上六不祥也困之三陰 其始相締交而 辱其事惡也三在二上讌柔以下之則无害乃用剛 而不應有若入其宮不見其妻山也的官安居也妻 于石介六三與上六為應上又陰交况當困極合應 險以東之則不安而取困 上二陽不可犯也而犯之以取困非所因而困也名 而據馬身必危既辱且危死期將至妻其可得見耶 所安之主也繋辭云非所因而困馬名必辱非所據 周易義海橫要 伊六三陰也而居陽自 ŧ ルノ

雖不當位有與也 九四來徐徐困于金車各有終象曰來徐徐志在下也 故曰來徐徐困于金車有應而不能濟故曰各然以 於二復不當位威命不行乗之則不能欲往則畏 掩剛其終初六之臀困六三之妻亡小人易合而難 陽居陰履譕之道量力而處不與二爭雖不當位物 剛以載金車也徐徐者疑懼之辭志在於初而隔 坡 卷五

金只口屋台書

九五劇 たこりうことう 未得也乃徐有說以中直也利用祭祀受福也 以陽居陽物則不附念其不附而用壯猛行其威刑 澤既无水是車之空也有德无用故曰困于金車功 已下又應已則困有所濟故能保終也收 徐徐無貌言困于金車者以澤載水則有功及物 終與之故曰有終注四處澤底剛而能載故稱金車 无所施各也曰有終者以其下獨應已也且下能 則困于赤級乃徐有說利用祭祀象曰劇則 周易荒海禄要 麦

金灯口 物 方之卦赤裁南方之物言九五剛 困而能改不遂其迷以斯祭祀祭必受福注允為 異方愈非退通愈叛刑之欲得乃並以失履夫中位 也故困之矣夫居尊以念失其道也終以中直久而 則 矣至誠感神况赤統乎故精意乃受其祐子五以 剛得求而五怒其進将欲刑之上下敵應不能勝 物歸之而有說正 也若但用中正之德招致於物不在連暴而徐 丹石書 物莫兩大二之豐則五道減矣 猛不能感異方 徐 之 酉

次定四車全書 一题 尊无應如君上之困諸侯不臣也赤統亦朱諸侯 思福之思神交福德之威者故曰德大備也陸五 福之九五困于赤紋者諸侯之事故利用祭祀者 徐有說也朱統方來天子之事故利用享祀者天神 類故刑而去之赤紋諸侯之服五在困世處君位聖 主也困窮而通德辨而明中正道行志則大遂故乃 之象六三足之象此皆陰爻掩剛之物於五剛為 中處位能去非類小人殺天下之因者也上六鼻 周易義海様要 居

攸 所困也乃徐有說者五本居中履正若能緩而圖 之極也當用慈惠仁義屈已下人人則歸之反以 石 又中直終必有喜祀天祭地王者之事雖下有不 服也以其不臣用 之道 濟故曰困于赤紋也收五為困之主衆所不輔 赤亦朱也欲 用中直必須陰得天地之祐天地且福之况人乎 刑罰之威以服其人人必不從反為諸 明二之級故異言之二不應已困 刑而刑之已得尊位有陽明 侯 Z, 德 剛] 服 无 2 困

改定四草全替 德 同德利用祭天地也房九四 離之納異方不實悟而徐改然以剛中之大人與 居陽而无無避物則不附怒而行刑異方之人轉更 道必須盡其至誠以通於思神也二臣位曰事祀五 施德布惠人必感忧而從利用祭祀者言五感悅之 故用刑獨行禮化徐而教之以道天下福也非以陽 君位日祭祀分尊甲之差也胡下方險難尊而无應 相求而四間之則 因易養海脲要 則 恆鬼 則則不行五為四傷亨因 君 例 强臣之象二五 15]

上六因于葛萬于龍碗日動悔有悔征古象曰用于葛 害 說以中直也人君得九二之賢利用誠意感格之如 臣 征為凶五以无助 動 之志未得行於二也赤統諸臣之統二躊躇不住 劓刖之象伊 祀然上下並受其福矣朱上下皆揜於陰為其傷 相 以直行中則思慮精審直則其行不挽如是 說之志久而必事九四豈能間之故曰乃 祈 国困于赤紋也九五剛中 徐 而正 則 有 君 いく

|飲定四軍全書 一萬未當也動悔有悔古行也 而報悔遂窮不思變知將有悔思變而行困窮而通 君子之窮動則生悔天地之道困極必通不可以 田子曰動悔令生有悔以征則濟矣注處於困極而 者思謀之辭也謀之所行有隙則獲言将何以通 又乗剛所處不當故致此困知悔而征行必獲吉 物窮則思變困則謀通處至困之地用謀之時也曰 居田之極而東於剛下又无應行則纏繞居則不安 **(4)** 周易義海橫要 動 至 Œ

晚也且困之極必及于井故紀反于異則能升井水 東之志不得專故困于葛藟也乗剛不安故曰于乾 困 而皆願亨通也衆願從之行之吉也收凡困者其所 有先唱之悔動而至於有悔則獲吉以其時處困極 而上也陰質柔弱雖首能反時以濟困懼乎不逮必 曰吉行行而獲吉故曰變乃通也陸上陰不正處夫 理當獲吉所謂古凶悔各生子動者也知吉而行 極不能固窮也五以同體居尊任中道以率正 梨

次定四草全等 全之過也曰不可動動且有悔而不知其不動乃所 欲則以失之為困困于酒食是也其所惡則以得之 也若曰動皆得悔當變前之為有悔也悔而求去可 道也讀困卦者至矣夫為有悔咎前之失也曰自謂 柔所牽則愈困矣今尺蠖之屈以求伸也龍蛇之蟄 為困石金車葛繭是也葛繭謂六三牽已今以示居 以存身也君子窮不易德因不變常屈伸卷舒由諸 出困故征吉也申上六困于三五而不終去則 100 周易義海撮要

未鍋井羸其瓶凶 金りせん 言損終日泉注未當言益德有常也往者來者皆使 潔静不以人有往來改其洗濯之性不渝變也汽幾 色雖遷移并體无改以不變為德也終日汲引未當 者以馬號碗而已坡 以柔用剛則乗之者至以為蒺藜以剛用剛則東之 以有悔也上无掠我者則吉莫如征也而不征何哉 1 11 欠年四年亡与 一門 井口鉤贏其瓶而覆之乗方成之功與未汲不異喻 之身何所損益往來井井往來之人蒙其利猶君子 君子積德於身用與不用乃君民幸與不幸耳君子 留君子之道亦猶是也隆邑猶君子之身井猶君子 法國可變而法不可易欲汲而來既汲而往不拒不 也幾近也編便也雖汲水以至井上然便出猶未離 之德身可貴可賤可當可貧道无加損无丧无得猶 人德行无常故就人言凶注疏邑之有井猶國之有 周易義海撮要

·蒙曰巽乎水而上水井井養而不窮也改色不改井乃 以剛中也汽至亦未編井未有功也贏其叛是以凶也 **損威行不加窮亦樂通亦樂非剛中不變能之乎** 止羸其叛凶也正坎之中畫其剛中乎君子窮居不 異為水在下又異為入以木入水而上水井之象也 水未及用則井功未成猶人德未及物修德未成而 二五以剛居中故能定其所而不改變井未有功者 之德无不及也胡 大正日日 人士司 象曰木上有水井君子以勞民勸相 初六井泥不食舊井无禽象曰井泥不食下也舊井无 勞齊勸助莫若養而不窮注荀子曰不足者天下之 若云巽上有水風上有水則文不便又坎為水巽為 木二象俱實可以成文 房 異乎水而上水凡物入水而上水井之象也今大象 有也不水性潤下能上潤於物者井之用也繪录曰 公患也苟知勞民勸相之道而以不足為患者未之 周易養海撮奏 艺

金牙口唇石量 九 禽時含也 最在井底上又无應沈滞滓穢不見洪治禽所 师 二井谷射鮒甕椒漏象曰井谷射鮒无與也 可求廢隆禽古擒字猶獲也在 无人則禽犯井邑邑苟有人舊井可治一時所舍未 泥 鮒 况人乎一時所共棄也法井由於源清其源 法生於禮禮亂則法乖惟井與邑民居所在國 初也失井之道水不上出而反下注故曰甕放 K 五 不嚮 則 墟 井

次定四車全書 井深不食行側也求王明受福也 九三井洪不食為我心惻可用汲王明並受其福象曰 洪不停汙之謂處下卦之上復得其位而應於上 於甕何也彼有利器肯以我汗之數必般甕也 之道而為谷故曰井谷井有鮒則人惡之矣然猶至 其材器之象斛或以為蝦蛛石下超者谷之道失井 中人之性不能應上從師友之訓而反習於下自敗 漏也不與上交則莫之與无應於上反與初也注 9 周易義海撮要 罢 坡 得 喻

為我心惻為猶使也不下注而應上故可用汲也 其仁故為我心惻王者以明德在上必汲用賢人 ĬŁ 福 眀 井之義當井之義而不見食修已全潔而 託 而 ï 也行則者行感於誠故曰則 則 殷之公侯時有賢者獨守湯法而不見 用 見昭 行過乎中猶井雖洪 則 能博施濟衆並受其福 明既嘉其行又欽其用故 治而不食功未齊物物 也 不 獨 注以陽處陽雖 自 日王明並受 利 不 任 而 見 用 و 陸 用 謂 賢 得 其 此 思 섨 £

次定四軍全馬 求之而已介九三正而不中故潔而不食不中非 并非做漏之發所能容擇其可用沒者其惟器之潔 行道之人耳行側者明人之側我非我之自側 居之所會也井未有以不食為則者凡為我則者皆 禱之其於命也以不知知之井之道无求也以不 求王明孔子所謂異乎人之求也君子之於君也以 箕之倫也惻傷悼也周德來被故曰求王明受福子 不求求之其於民也以不取取之其於天也以不祷 = 周易義海羅要 也是 求

各首井壞則水渾故發而修之法亂則民擾故治 得位无應自守而不能給上可以修井之懷補過而 修潔也陽為動為實陰為靜為虛故三陽為泉三陰 正之陸得位无應自守而已如人但可修德自治 已注坎性下降無於從三能自修正以繁輔五故 四井荒无谷象曰井荒无谷脩井也 獨在我而已被 者乎器之潔則王之明者也器潔王明則受福者非 而 无 石

次足四軍全替 九五井冽寒泉食象曰寒泉之食中正也 冽 非賢不能待寒泉而後食也正居於中正為井之主 潔才萬然後乃用以中正者若非居中得正則任 其間而不失正故曰發發之於井所以樂惡而潔 也待是而潔故无咎 潔也居中得位體剛不撓不食不義中正高潔 冽寒泉然後乃食注剛正之主不納非賢必須行 27/2 周易義海擬要 用

井初六最下故曰泥上六最上故曰收六四居

上六井收勿慕有孚元吉象曰元吉在上大成也 至上而後元吉 潔而冷者猶富其位明其法信其令天下仰而生者 食其井也冽者寒之甚乃五以陽明處坎中是泉之 保井之德養而不窮者也道之上行人受其施皆得 而不言吉者井以上出為功未至於上未及用也故 輔 坦冽謂甘潔也泉以寒為美井道之至善也然 嗣謂不食不義豈反自食耶自食則博施之道 伊

次定四軍私馬 一切 義則取其博施而不窮善則取其有終也卦解雖 獲元吉正 也不擅其有不私其利則物歸之注信能致大功而 具四德而四德具矣收它卦之終為極為變惟井與 處井上極水已出井井功大成故曰井收也慕猶 大吉石君子體井之用德則取其常行則取其清潔 如人有功德不私其利不伐其能所以為人信向 也應於下引於五博齊而无不施信大成而元吉 收謂以應盧收編虞井至水上收井之 周易義海撮要 晃 子 功 而 不

1111九上草已日乃字元亨利貞悔亡 而悔亡陸井但喻人修德於身終始不變至於適用 民可與習常難與適變可與樂成難與處始故草之 者也草而當其悔乃亡也沒有四德方可以草既草 亡也已日而不孚草不當也悔春之所生生乎變動 為道即日不学已日乃学等然後乃得元亨利貞悔 鼎終乃為成功故吉 之時亦當有所變草也石

矣哉 次定四軍全事-李革而信之丈明以說大事以正革而當其悔乃亡天 · 录曰草水火相息二女同居其志不相得曰草巳日乃 地草而四時成湯武草命順乎天而應乎人草之時大 凡不合而變生故取不合之象以為草息者生變之 謂火欲上澤欲下水火相戰而後生變二女同居有 以說也文明以說復正而行以斯為革應天順民大 水火之性近而不相得也夫所以得草而信者文明 **网易義海城要**

学浹日乃草乃難解也未草而當謂四也收 滅也胡先儒已日作已事之已當讀戊已之已十日 孟津還歸二年乃伐紂所謂已日乃字草而信也 亨以正者也草而大亨以正非當而何注武王觀兵 至灰而庚更草也自庚至已十日次矣已日者次日 也收水遇火而消火遇水而滅水火之性自然相息 中女思嫁及居内少女戀家反居外出處之志不同 也湯之伐禁猶曰舍我檣事而割正夏故草即日 不

次定四事全等 初九輩用黄牛之革象曰輩用黄牛不可以有為也 象曰澤中有火草君子以治歷明時 鞏固也黄中也牛之革坚納不可變也在革之始革 日不学已日乃学也收 其可速子熱徹于中物乃熟信徹于中民始行故即 水以熟物也火之炎水必漸至於湯湯必漸至於熟 天象 正允為金離為火金在火上從草石草者謂炎 天時變草故須歷數君子觀兹草泉修治歷數以明 周易義海探察

金りし 待上革而已介革事之大必有其時有其位有其才 審處而慎之然後可以无悔九以時則初動於斯時 之未可大有為也胡初九剛大而文明其材可以有 有為而行變革之事也令初九但可固守中順而 道未成固夫常中未能應變可與守成不可以有為 為也在下无應雖材不可以有為也用中順固其志 鴻 漸固結於下使民心信而順從於已然後可以大 注革之道不可驟有所為必須以仁義大中之道 結

にいりをかか 六二巴日乃革之征古无咎象曰巴日革之行有嘉也 與順而已黃中色牛順物軍用黃牛之革謂以中 此有為則凶咎至矣蓋剛不中而體躁所不足者中 離體而陽也離性上而剛體健皆速於動也其才如 援而動於下則有僭妄之咎而无體勢之重以才則 則无審慎之革而有躁易之象以位則下也无時无 不单則何吉凶之有 之道自固不安動也妄動 **周易茂海拔要** 1# 則有山谷以中順自 固 而 順

金分工 湯武行善祭約行惡各終其日然後革之行此有嘉 從之故曰己日乃革之也二與五雖有水火殊體之 雈 中事尊故曰征古无咎 首得位以正居中有應則 į. 陰之為物不能先唱順從者也不能自革革己乃能 二乃革意去三應五故曰巳日乃革之上行應五 往應見納故有嘉慶正日以喻君五已居位為 初固物情物情漸化至二則久而信之是謂已 同處厥中往必合志不憂咎也是以征吉而无 人名言 TAT. 日 咎 君

たこう真 矣 九三征山貞属革言三就有孚象曰革言三就又何之 悖時可矣位得矣才足矣處革之至善者也然臣道 中正文明之主也而上有同德之君為之應中正則 乃字革之也有應在五故征吉无咎水六二柔順 進則失可為之時而有咎也 无偏敬文明則盡事理應上則得權任體順則无違 不當為革之先必待上下之信故已日乃革之也不 111 周易養海服要 伊

金分四月百書 應之為陰所乘故曰征凶若正居三而據二陰則 習俗不安故曰征凶猶以正自危故曰貞厲是以武 來危之故曰貞属首受命之君雖誅元惡即行改 日有学如是而猶征之山其宜也注三應於上欲 上從命而變不敢有違故曰革言三就其言實誠故 已處火極上卦三爻雖體水性皆從革者也自四 就也惟自初至三令已行矣民已信矣又何之乎 **尅商及商政一就也釋囚封墓二就也散財發栗** 往 至 五

次定四種合學 泉解也言從革者衆而有成功也三過中是以言而 成法必更為法制更為之始不可不喻其則也宣布 故革言三就則雖過中而不失正故有乎其稱三者 剛過中故征凶貞厲以過中之剛其能革物也必矣 宜守正嚴厲以宣布命令也若以征則凶矣革道既 子自初固中順之道二則已日乃孚三則革道已成 制令信不可典故言三就而有字矣三者猶先甲三 就謂語之使知也收革之為道宜剛中而已九三 周易義海撮要

金万口居る書 感喻其人而成革之功也盤庚大語之所以革民者 於言也略矣介以初二版之則在下體者當從上命 言至於三而皆合則可孚矣世九三剛正而明處 為三就 華言謂當革之論就成也合也審當革之 不可謂未占有學也所謂不言者非无言也其所待 上也有位无德有德无位必至於告戒丁寧然後能 後能革革之次也九五尊位盛德不言而能革革之 以九四九五觀之亦有自上革下之道故自初至此

ころこう こう とんし 九四悔亡有孚改命吉泉曰改命之吉信志也 而能從之合於時願所以得吉信志者信下之志而 際居會變之始能不固吝不疑於下信彼改命之志 初處下卦之下革道未成故未能變九四處上卦之 下所以能變也无應悔也能變故悔亡也處水火之 之極革之已當不可復動往而不已有凶成則必虧 以正守之猶厲初不可有為二巳日乃革之三革之 就稽之於衆其言亦曰三就故曰革言三就米 問易義海嚴要 5

金为四周全書 當其悔乃亡且自初至三則革道已成故下三文皆 信 焚以陽處陰得革之義此革而當故悔亡也為物所 行其命也正火之焚澤物則變革四體在澤為火所 也以至誠及物吉其宜馬收九四革之城也陽剛革 之才也離下體而進乎上革之時也居水火之際革 以革字者於文辭至於四則 則命令不便於民者可改易而獲吉志在救物信 行馬志可尚者也陸成革之體在斯一爻所革而 卷五 惟曰悔亡有字改命古

大三日日十七十一 九五大人虎變未占有学象曰大人虎變其文炳也 故剛而不過近而不逼順承中正之君則上下信其 吉可知矣然四非中正而至善何也曰惟其處柔也 忠矣是以吉也世 謂革之也事做而當革行之以誠上信而下順則 之四具此數者則革之而當矣故其梅乃亡也改命 之勢也得近君之位革之任也下无係應革之志也 以九居四剛柔相濟革之用也夫事有可悔然後革 周易養海猴要 五

金写正是 百章 有学也 成武宣而文德者者也三以革言三就命令已申四 萬里望風而信以喻舜縣干羽而有苗自服周公修 文德越寰獻雉故曰未占有孚馬五為革命之主是 美煥然可觀有似虎變其文彪炳則是湯武革命順 以改命信志物盡從化至五則大亨以正不假占而 居尊處中為革之主損益前王創制立法有文章之 天應人不勞占決信德自著正大人虎變威德折衝

とこうし こう 其文蔚也小人革面順以從君也 上六君子豹變小人革面征凶居貞吉象曰君子豹 捎 屬蔚炳之次也君聖臣賢殷之頑民皆改志從化故 大變故文細而相映蔚不能潤色立制但順而從 則變面以順上改命創制變道已成功成則事損 **居變之終變道已成君子處之能成其文小人樂** 則无為故居則得正而吉征則躁擾而凶注 正君子大賢次聖人之謂若周召之徒也豹虎之 周易義海撮要 ŧ 不能 君

到厅四月至書 吉得正有應君子之象下豹次虎而變故其文蔚內 變而小人心猶未革長惡不悛動而危殆若能静而 初 守正然後可以獲吉隆居正吉垂拱而天下治也 而已如周之三監征之凶居而守正則吉孑天下不 信 曰小人革面天下既定當偃武不用故曰征凶居貞 而外發也小人无所明安於舊俗樂於舊改革面 則居自吉征則皆凶也稱變者謂主宣文德而民 至三則草道已成四至上則變道已成三則貞 灰 卷五 To

欠臣日東台等 || 縣上縣元吉亨 象惟新其制有鼎之義以木巽火有鼎之象故名為 **录曰鼎象也明其有法象也雜卦曰革去故而鼎取** 鼎之為器有二義一有事飪之用二有物象之法故 庶民也上雖柔而不正然體紀而下從於五之威有 由我化大人君子也稱革者謂下之改報而從上 新明其亨飪有成新之用此卦明聖人革命示物法 文明之應故稱豹變也收 74 **周易義海攝安**

金好口屋台電 剛是以元亨 **录曰鼎象也以未巽火亨飪也聖人亨以享上帝而大** 亭以養聖賢異而耳目聰明柔進而上行得中而應乎 柔處剛得中而和故元吉而後事也陸 若於元用之切者莫若於事九二以剛處柔六五以 象物也謂成熟之器也象物所以濟用德之大者莫 鼎馬變故成新必須當理故先元吉而後乃亨正鼎 象也者有亨飪成新之法象也亨飪也者明上下二

欠巴四百八百 卦為象惟鼎器故言象旦鑄金所為而有法象胡 亨聖人無異大養聖賢聖賢獲養則憂其事而助於 祭祀二賓客祭祀天神為大賓客聖賢為重享帝尚 象有亨飪之用此釋卦名也享飪所須不過二事 新而獲大亨也正形象非法象的六十三卦录不名 質特性而已故直言字聖賢既多養須飽飲故言大 進上行體已獲通得中應剛所通者大故能制法成 已明目達臨不勞已之聰明則不為而成矣六五柔 周易義海报要 え

象曰木上有火鼎君子以正位疑命 金分口及台書 亨鼎盡大有三卦录皆不云大亨是其義也心乾為 無柔居尊下應九二之賢臣上又有上九賢臣皆巽 虚象足中三爻實象腹五虚象耳上實象鼓 正位者明尊甲之序凝命者成教命之嚴法木上有 天在上為帝指上九也在下為聖賢指二三四也享 納聖賢之象所以得大吉而亨通胡元亨者元始即 上帝之心推之以養聖賢人有不樂盡其心者乎朱 何五以

父臣四段合馬 器而為法度不可復變以亂其制故君子於此正人 位一正而不可亂禮樂刑政朝廷命令之所出 倫 南方之卦聖人南面而聽天下者此也異順也申命 謂 火即是以木巽火有烹飪之象所以為鼎正君子謂 行權之謂也正位凝命蓋取諸此佐已革之後立成 三也鼎五文失正獨三得位故以正位疑成也體始 之大法正朝廷之綱紀使君臣父子貴賤尊甲之 陰始疑初異為命故君子以正位疑命也其 **周易義海探要** 字 離明

初六鼎 悖 金 為復鼎鼎覆則趾倒矣否不善之物取妾以為室 於新也終則緩成其命令息民於易也 於人所以救弊而繩下君子始則易正其服位 而 大不可遷移也 口及有量 利出否以從貴也 不可變金鼎者神器至大至重正位疑命法 陽寶而陰虚鼎之為物下實而上虚今陰在 顛 趾 利 出否得妾以其子无咎象曰鼎顛趾未 房火出於木然後變新以成飪法 卷五 担 其 出 重

父足四軍亡時 肖而用賢也事雖顛於義无害陳 子肯是也陸期趾變常也得妾說正也變常而義說 猶安至賤不當貴以其子故得貴馬春秋之義母以 正而道故无咎所謂可與權者也介去穢取新除 趾當承鼎顛而覆之悖也於是出其惡故雖覆未悖 也棄穢納新去妾之賤名而為室主亦從子貴也正 以其子故无咎 渔倒以寫否未為悖逆舊穢也新貴 亦顛趾之義處鼎之初将在納新施顛以出穢得妾 16. 周易養海操要 至 不

金云口屋石雪 之 九二鼎有實我仇有疾不我能即吉象曰鼎有疾慎所 也我仇有疾終无尤也 岡山 不溢得全其吉汪六五我之仇匹欲來應我困於東 反傷其實仇謂五也因於來剛之疾不能就我 以陽之實處鼎之中有實者也不可復加益之 之疾不能就我之往也自此以往所宜慎也 以近權惡我專任怨傷敵我不可以不慎其所 カロ 故終无尤正剛以中應而承其實任之重者也 則溢 則 £ 不

とこりる ニュア 戒使遠之二居中而應中不至於失正能自守以 而應有實者也三无應而疾之我仇也雖應不我就 也四之覆餗正无幾矣豈暇謀我獲其終吉予居中 相應則得正而其道可亨仇對也陰陽相對之物 者也人能自守以正則不正者不能即之所以吉也 初也與初密比陰從陽者也相從則非正而害義故 伊 不失正吉也 何二陽剛有濟用之才能慎所之與五 周易義海嚴要 謂

耳革失其義也 多穴也母全書 九三縣耳革其行塞雄膏不食方雨虧悔終吉象曰鼎鱼员也厚全書 鼎耳革其行塞雖有維膏而終不能食也雨者陰陽 无應无所納受耳宜空以待兹而及全其實塞故曰 鼎虚中以待物者也三處下體之上以陽居陽守實 虚中受納之義正維膏八珍之數三與上无應如有 剛亢務在和通方雨則悔虧終則吉也法失義者失 交和不偏亢者也雖體陽交而統屬陰卦若不全 任

ここり うしいい 是可食矣而其行廢故雖有难膏而不食也耳以 吉石耳上九也九三之實上九之所舉也熟物謂之 務剛亢即是為雨之象如此乃能虧除具悔而終獲 雉膏而不食然在異卦體猶屬陰若與上九和通不 舉者也六五之耳可鉉而上九之耳不可致六五雖 革鼎之所以熟物者以腹不以耳上九離之極火之 以革故曰鼎耳革失其義也九三寶之將盈者也於 所炎以耳革者也耳之受炎也足以發塞其行不足 **周易義海撮爱** 车 兩

九四鼎 多好四母全書 渥 智小謀大不堪其任受其至辱災及其身故曰其 處上體之下而又應初既承且施非已所堪初已 鉉 於雨然後悔虧而終吉雨者陰陽之和玉錠之與 欲 否至四所威則已潔矣故曰覆公飲也渥沾濡之 也 凶不量其力果致凶災信如之何注信有此不 獨舉得乎陰欲行而陽欲留其為悔也大矣故 坡 折足覆公飲其形渥凶象曰覆公飲信如 P 何 貌 金 出 也 至

TO DE LINE 職矣得為信乎世孔子曰德薄而位尊智小而謀 不信及其已信則无如之何矣坡 與已致身任道之志不失所期乃所謂信不然則失 力少而任重解不及矣方其未及也必有告之者而 形渥謂赧汗也上為人君之所倚下為斯民之所望 而下應於初陰柔之小人不勝其任至於覆敗故其 折足也餘緣也陸四大臣之任不能得天下之賢知 如何之事唯初為鼎足顛而上馬是不承於四四故 周易義海振要

六五鼎黄耳金鉉利貞象曰鼎黄耳中以為實也 金万口乃石量 實故也九二五之實也有實受起可以養賢故別貞 子三公能舉其職者故曰黄耳金鼓耳之受鼓鼎有 黄中也金剛也起所以貫鼎而舉之也五為中位故 除文得中黄耳之象五為剛位金鉉之象以陰含陽 曰黄耳應在九二以柔納剛故曰金鉉所納剛正故 日利貞也中為實者六五以中為實所受不妄也 文明之德得黄中之義虚以待兹柔以納剛是天 Æ

人三日日 四十二日 行大中之道以為實也胡 為實者五以陰柔之質本非其實而能虚中以納物 謙虚接賢賢相率以輔于已利貞者以六五九二俱 優非其正夫以不正之道相親比則不能无悔故聖 猶鼎虛其耳以待鉉成鼎之道也以人事言則是君 耳受鉉之象 陸越貫鼎耳而舉之謂九二也言六五 人於此深戒之言利在至正之道可以獲吉也中以 陰柔之質居大中之位能無虚以下接九二之剛 同为義海維要

上九鼎玉鉉大吉元不利象曰玉鉉在上剛柔節也 金月四月月 舉故曰大吉无不利法五又貴於金者凡烹飪之事 得節故吉无不利 千上九在卦之外如一賢人在上 故鼎之義上文愈吉鼎主烹飪不失其和金玉鉉之 不失其所公卿仁賢天王聖明之象君臣相臨剛柔 白錢升鼎載於姐自姐入於口馨香上達動而彌貴 居鼎之成體剛優柔用勁施鼓以斯處上萬不為亢 得夫剛柔之節能舉其任者也應不在一則靡所不

鬯 こうこうこう 懼以成則是以亨天威震動物皆驚懼整齊所以由 適宜剛柔有節是以能保其成功朱 矣る上九動而下三知剛也都而在上知柔也動静 **允所以大吉而无有不利此爻周公告老之時當之** 當鼎立制度已成之後不累於位者王者言火炎而 不變其性者也趁亦取能舉其任以剛復柔不為過 ■震上震事震來號號笑言啞啞震幾百里不丧し 母易義海隊要

|彭定匹库全書 梁威守而不失也正號蠅虎始在穴中跳躍而出象 懼而獲通號號恐懼之貌啞啞笑語之聲物既恐懼 **鬯香酒也震卦施於人為長子長子正體於上出則** 亨坡震為動動之大莫如雷震觽百里言其威遠也 人心之恐動也唯震陽德之失震陰而達陽者也故 撫軍守則監國威震騰於百里可以奉承宗廟舜器 不敢為非保安其福遂至笑語之盛七所以載鼎實 人之致誠莫如祭祀七載鼎實升之於祖鬯以灌地 N. 卷五

然百里端遠而懼過也出可以守宗廟社稷以為祭主 th **录曰震亨震來就號恐致福也笑言 啞啞後有則也震** - CAL TOTAL MALE 威震為子百里之遠則悄者恐懼於近出謂 而降神方其酌灌以求神為壮而祈饗盡其誠敬之 将等事正物既得雷動則得其亨通如人能戒懼敬 七些夫臨大震懼而不自失者惟誠敬而已伊 則雖雷震之威不能使之懼而失守也故曰不丧 明易徒每服要 华 君 出 3211

祁刀 象曰将雷震君子以恐懼修省 多定四月全書 也笑言啞啞後有則也 九震來號號後笑言啞啞古象曰震來號號恐致福 能守祭祀而不失出者但言出即可承祭祀石 天之怒則亦得等天子諸侯之冢嫡亦須有威望即 将重也因仍也君子畏天之威彌自修身省察已過 JĘ, 初九剛陽之德為一卦之先剛則不暗於幾先則能 卷五

九三日目 八子丁 懼於身也進退不履於危則百行非雅于禍故初 初 君子之懼於心也思慮必慎其始則百志非違乎道 居震之始是能先成懼者故縣家所言此文當之 之厄也笑言啞啞後受方國也干初九有陽明之德 則 爻 有前識故處震驚之始能以恐懼自修而獲古屯卦 據人威震所說雖殊其事一也正震來號就美里 則以貴下賤則是堪建之人與此卦自震言人文 九與卦俱稱利建侯者卦汎舉屯時宜有所封建 7 周易義海撮要 爻 石

金片 **隅東剛也** 六二震來厲億丧貝踏于九陵勿逐七日得象曰震來 是做尊陵貴為天所誅震來則危亡丧其資貨无糧 沥 初 致福豫之初六倡始逸豫所以致 震水而致福慎於始也 范震之初九慎始恐懼所 U 以陰賤之體不能敬於剛陽尊其有德而反東之 走 九以剛處下聞震恐懼而致福則是有德之人六 Ē 班超越陵險必 石里 困窮匱不過七日為有司 丛 房 帲 レン

震而已來之動而來則遇剛進而危矣億安也安其 惟七年是也千萬萬曰億言理必不易也隆剛 億長員貝水物而方升于九陵今雖丧之猶外府也 故曰勿逐七日得七日者七年之日誕保文武受命 為危此託文王積德累功以被囚為禍也億歎解也 億辭也正六二木文震之身也得位无應而以乗剛 貝寶貨也産乎東方行子大塗此喻紂拘文王閎夭 徒乃於江淮之浦求盈箱之目而以略紂也故曰 動

处巴田臣 二季

7

周易義海很要

Ź

金少し屋 者 寶者位也陵者萬大而平者也動之時萬大而无難 故 位而不知避則丧其位矣貝者人之所實六二之所 者從其陰以反復之時也介九者陽數之極也七 之丧可以勿逐而復之矣九陽數也動之主也 也 初交之謂也卦必以初交為七日者舉前卦 復之七日來復既濟之七日 辞 可以為動之主矣進而得主初不能為已難 東剛自危必失其守憂懼之極若升高陵履正 石量 勿逐皆舉初文之 而云也 七日 而 H 謂

ここう こう こう 則危也且危來逼己敢據其位耶必骸而奔矣億辭 災也二雖體動然而安于得位是慢而不戒者又東 逼于危難遂懼而弃之是丧其目也踏升也九陽數 剛乗剛逆也當天道威行之際犯逆而不戒故震來 簡震之六爻以失位為能戒懼六二得位所以不吉 居中義當來復未有畏威慎命而不能你其位者也 也見者實貨也實之大者二以得位為有其實今既 石震之動天之威行也為恐者致其福惰慢者致其 四易養海服要

多次四四全書 于幽暗少陽升而明顯故必得也凡陰賊奔寬皆稱 懼深而逋必至于險之極也然威明大行時不敢隱 厲則已處危矣億度也貝所有之資也踏升也九陵 也剛動而上奮孰能禦之故曰震来厲厲猛也危也彼来 至七日乃自獲也七日少陽之數二以陰賊逃難利 之極也陵謂險之地二以威逼于下故升上而奔 二居中得正善處震者也而乗初九之剛初震之 日得故既濟六二亦曰婦丧其弗七日得也收 灰

ここうえ 六三震蘇蘇震行无告象曰震蘇蘇位不當也 陵之高也九言其重之多陵之重高之至也如所 來然時過事已則復其常故云七日得也伊 戒以勿逐避遠自守處震之大方也卦位有六七乃 更始事既終時既易也不失其守雖一時不能與其 是以勿逐自得也逐即物也以巴即物失其守矣故 升至高以避之守其中正而不自失過則復其常矣 九天九地也以震之來厲度不能當必丧其所有 10 1.1. **周易養海最娶**

|郵定匹库全書 蘇猶偲偲也位既不當行又過中是以震懼偲偲然 蘇蘇畏懼不安之親雖不當位而无東剛之逆故可 為生虞弱而无當蘇蘇也居則不安行乃无貴子蘇 也四為震主三能承之位雖不正承剛為順恐懼而 不能自安也正死而復生曰蘇三死坤中動出得震 以懼行而无災眚位不當者猶竊位者遇威嚴之世 舒緩也二安于得位見危三不當位而知懼故得舒 行可以无告告由内出內自循省故得无告性蘇蘇

欠足四年人生 九四震遂泥象曰震遂泥未光也 以陽處陰失位而動雷聲未隆者也處升陽之時為 也失位達中不能除恐使物安已道德未光大也正 安眾若自懷震懼則遂滞溺而困難矣故曰震遂泥 處四陰之中為衆陰之主當恐懼之時宜勇其身以 无青 因懼而行以就四正也故二勿逐則自得三能行則 緩收蘇蘇神氣緩散自失之狀三以陰居陽不正也 1 周易義海撮要

事在中大无丧也 六五震往來厲億无丧有事象曰震往來厲危行也其 金云之后自言 往則无應來則乗剛恐而往來不免於危法處震之 衆陰之主不能大通萬類鼓動羣生止於遂泥而已 不能自震故未光也 又居上體之下緩可免凶咎而已收剛陽物震動義 其德固未光也 隆知懼而後時其德滞泥以陰處陽 剛處動有光亨之道以其失德陷於重陰之間而 卷五 伊

大三日日日日 若專无為而治則不足拯天下之難救天下之故固 此以往萬萬无失者也以无丧之理而有為於事可 丧也子无應來剛是其危厲以柔履中行不過當用 其反來也剛以為疾故皆危也斯以厲而居矣位尊 事若恐懼往來則致危无功正懼而往也尊位何安 時而得尊位斯乃有事之機若守中建大則无畏有 大中震之主也剛從而依不敢遂逼懷懼而已无所 開物成務陸夫當威震之世下有剛權不正之臣 月ら表海猫姿

生

金分正居石書 美三四雖當位或以不中為過蓋中則不違於正正 事在中大无丧也薛諸卦二五雖不當位多以中為 尊位居中時事所繁應機決行則大功可建故曰其 當有為獨任以權天下可也其位合於中道雖與起 大事亦无所丧失也胡臨有事之機宜億度而居 不以静鎮見危而不能自處用意往來危乃從之然 不敢逼內省不疾則无丧失所有之事也白居尊而 不必中也天下之理莫善於中於二五見之矣六 岡门

大三日日と **媾有言象曰震索索中未得也雖凶无咎畏鄰戒也** 上六震索索視變雙征凶震不于其躬于其鄰无咎婚 **居震之極求中未得故懼而索索視而變變无所安** 雖婚婚而有言也注震不于其躬于其鄰者謂九四 動而懼懼鄰而戒合於備隊故无咎也極懼相疑故 親也已處動極而復征馬山其宜也若恐非已造彼 仴 五動皆有危惟在億度无喪其中而已有事謂中也 周易義海嚴要

金牙口四百言 窮故曰震索索中未得也若得中自持則不至於窮 得正也上六六五陰也九四陽也六九相配有媽媾 索矣視雙雙者以震索索也恐懼如此當守其正征 三三亦過中而窮莫助之者是以恐懼失守窮之又 則凶能自戒懼不動則雖處凶地而无咎矣无咎者 无咎也胡上六過中處震之極窮而氣索将下交於 之属則已能觀此鄰戒以自修省其身整治其行故 一则威不能及已之身鄰謂五犯九四之剛有往來

ここうう |||||良上良其背不獲其身行其庭不見其人无咎 傳曰聖人於震中示人知懼能改之義為勘深矣 艮其背施止之所也若有物對面而來則情欲有 ヒヒ 之義上六不得乎三或來交四則五必有言四五 乃與馬 巴既止在後則是施止无見所止无見何及其引 此見上六終不可動故曰征凶横渠曰五既附 上安得而配之上既不可以交三又不可以 7147 則 120 招悔 而有言矣能以 門易養海嚴愛 鄰為成則无咎 五 交 私 四 相 四

欲未形未作之前先止其心而不陷於邪惡若止之 萌故得无咎正民次震者動而不已必有悔各故以 欽 艮次之背者見所不見之所也言艮止之道必止於 相 於背之後目所不覩不見其身也行其庭不見其人 未萌之前若聖人治天下欲禁民之邪必於利害嗜 則是否之道但止其背則是止之於未兆治之於未 不獲其身不獲其身則相背矣相背者雖近而 見故行其庭不見其人无咎也若對面不相交通 人丘 丕

多分

四月全書

THE CHAIN THE CHINA 其所而有定分不相揉雜也謂百官各有職掌四民 然而寓自皆可爱欲蓋人道之常不可得而免故君 慮亦絕君子於欲亦當然耳夫愛欲與生俱生者也 體雖不遠身而目未當見目所不見雖與之處而思 姓 各守其業不相雜亂故无咎也胡人主不見可欲百 庭指淺近之處行淺近不見其人蓋得止之道各守 止物徇已則艮其限列其黄而大器丧矣夫背之為 日用不知之時也然則務止其欲不止民欲者也 周易義海撮要 美

光明良其止止其所也上下敬應不相與也是以不獲 录曰艮止也時止則止時行則行動静不失其時其道 金号口及自言 其身行其庭不見其人无咎也 君子之於它物亦然非獨身之謂也陳 照不知身之為身也行其庭不見其人者相背故也 子之在愛欲猶心目之於背可也可與物游而无欲 後為静所以喻之以背也不獲其身者君子坐忘遺 物之心身與欲處而无欲物之樂不必釋心去欲然

とこう良公言 而 皆不應而獨於此言之者此卦既止而不交交又止 能也若能不失其時知止則止則其道光明也仲尼 不相交與故曰上下敵應不相與也八純之卦六文 明施止於止不施止於行得其所矣法凡應者 止道不可常用必施於不可以行適於其時道乃光 也 陽二體不敢今上下之位雖復相當而交皆時 正震動而艮止此無言動静者蓋人之静止是難 不應與止義相協故無取以明之明相與則有咎 因另長海搬要 隂

象曰無山艮君子以思不出其位 多分四四百十 若止非其時則是素隱行怪者鳥獸不可與同產又 各止其所不侵官也注 静良為山山一定而不動恐後人法此止静不復求 於進用使天下之人无所濟也胡 不於震卦言而於良始言之者蓋震為雷雷有時而 門獨稱顏子用之則行舍之則藏是知止者少也 知止之人也不時行時止所以為萬世動静之戒

ここううこう 六二艮其腓不拯其隨其心不快象曰不拯其隨未退 初六艮其趾无咎利永貞象曰艮其趾未失正也 趾 處止之初行无所之故止其趾則无咎至静而定故 固故戒以利永貞伊六居初不正宜有咎然止之於 止 利永貞注静止之物不可躁動故利永貞行則有咎 則不失其正正初最下趾之象趾動之先也良其 其止蛋矣未失正也 止於動之初未至於失正也除柔患不能常不能 **周易養海能藥** 朱 ž

聽也 一銀定匹库全書 聽從其見止之命所以其心不快正腓在股足之 得故其心不快未退聽者既不能拯動又不能静 則足无由舉然腓是躁動之物强止之則貪進而不 腓腸也在足之上拯舉也今既施止於腓腓不得 動无守未能退聽而志在股隨物唯上之命是聽失 下不能及其足而上隨於股无以自得故无所遂躁 止之道者也所以得无咎悔中正存馬有愧而已故 卷五 間

しいりの とよう **欲循理以拯三而九三以剛亢過艮之時未肯退聽** 援又未能退以聽命故其心不快仇六二居中得正 矣亦六二以陰從陽者也而三亦艮限不進不見拯 九三而動者也遇艮之時是以艮其腓也剛上而柔 心雖未失中正與夫樂則行之憂則違之者固有間 其心不快也隆雕應上而動者也六二承九三宜應 二之極已也欲拯之而不得方且違之而有不快之 下得位以相比欲拯其隨固其理也六二之中正固 **內易義海撮要** 芜

一致灾四年全書 一 得止之道上无應不獲於君者也三居下之上主乎止者 惟随者以在上者未能下從也退聽下從也 位則有當拯有當随有拯之不得而後随有不拯而 中必勉而隨之雖咎不在已豈其所欲哉言不聽道 動止在股不在腓也二不得以中正之道拯三之不 中正之德而行止係乎主故為腓之象股動則腓 不行故其心不快士之處萬位則有拯而无隨在下 也剛而失中不得止之宜非能降而求下也二雖有 卷五 伊 隨

九三艮其限列其黄属薰心象曰艮其限危薰心也 若身大體不通則君臣不接君臣不接則上下離心 **惫當中脊之內也薰燒灼也既止加其身之中則上** 限身之中人繁帶之處言三當兩象之中故謂之限 者蓋情欲之起人少有速止之者不身之中不能自 而改之亦已晚矣文中子曰未有處峻路而不遲回 下不通之義是分列其寅身當丧亡君臣共治大體 列黄則身亡離心則國丧憂危莫甚馬正事至中

ALTERIAL MAIN IN

周易義海操要

金岁正是有意 資恭始得其道佐薰孟京馬王皆作熏處作關句以 厲之苦而薰灼其心也 胡限者界也列者位也三居 而欲止於中道則進退不可而致盡敗其事故有危 熏為敷古本當作動心傳者併作敷字其後又加並 制事於始又不能成事於終於措置之間不得其道 艮止其身之中則必分裂其眷之肉矣此言人不能 動惟下之與上有所動則從而動之如上下欲動而 下卦之極復二體之間以陽復陽其危可畏必在位

九三日日 公子 六四艮其身无咎象曰艮其身止諸躬也 事心始思慮知其宜静便能止之故无咎蓋止之 身所為非妄也不君子以濟物為心其心若止忘天 得謂之身然心者身之主故四即曰艮其身大凡作 答注六四已入上體則非上下不接故能總止其身 遂成薰字未聞易道以坎水熏灼人也朱 中上稱身履得其位止求諸身得其所處故不陷於 不分全體正四過中而近上心之所也自趾已上皆 周易義海撮要 主

六五艮其輔言有序悔亡象曰艮其輔以中正也 金岁心后有量 者位雖不正以居得其中故不失其正而言有序也 輔頻車能止以處中故言有倫序能亡其悔以中 正五君位艮之主也主天下之止者也除柔以才不 伊 止其所當止惟止其身則无咎施於有政則有咎矣 行耳薛居大臣之位以陰柔而不遇剛陽之君不能 下也不言止諸心而言止諸躬者有為在心但身不 正

上九敦艮吉象曰敦艮之吉以厚於也 居止之極極止者也敦重在上不陷非妄宜其言也 足以當此以其在上故取輔言之輔言之所自出人 止之道也上居良極敦良者也敦於静止所以為於 驯 注動者利之求也動失則害至止者正之元也久守 而良在中良其輔謂止於中也伊 之所當慎止者惟言行而已輔與頰舌皆言所自出 福來非敦厚之德不能止其終也子仁者必静良

たとり自 さす

周易義海撮要

金人口居有量 厚於終止道之至善所以吉也六爻之德唯此為吉 於晚守或失於終事或廢於久人之所同患也上能 良止於輔極矣而又止之故曰敦良坡敦篤實也居 凡物有變移徐而不速謂之漸也女歸吉者歸嫁也 止之極而不過故為敦人之止難於久終故節或移 上九不由牽制而自敦厚不動以保其終白敦益也 仁用也仁厚以終故獲吉陸逐爻本動各强止之獨 卷五

としこう うしょう **录曰漸之進也女歸吉也進得位往有功也進以正可** 卦之名漸是之於進也九五進得位是往而有功也 正邦也其位剛得中也止而異動不窮也 貞者女歸有漸得禮之正故曰利貞正臣之事君浸 **嫁情禮乃動故漸之所施吉在女嫁故曰女歸吉利** 以爵命冒龍躁進則凶之道也三五二四各得正位 女之生有外成之義以夫為家故謂嫁曰歸婦人之 漸而進故得利負 1 問易徒母最要 陸 141

多坛 往 得中言九五也止不為暴異能用無以斯 得位乎外故曰女歸古也竟漸之進其德有四得位 内 違 六二適九五是進而以正身既得正可以正邦也剛 其中正則可正邦故二五言吉三與四各沙凶咎也 四届全書 有功也進而正可以正邦也其位剛得中也止而 以陽居上以其處于外表正其下故用其儀吉 止而不躁外巽而 拒故能漸而 動進不有困窮也 不争以 卷五 斯 而進不亦漸乎長女 正 進雖得位然處 適進物 牧 无

九百日日 白百 待 邦 女既正家道不期於正而自正故曰進以正可以 進四以正交則四文皆正邦 已不正未有能正人者其始不正終必不正三以 四 カ 異動而不窮也四者陰之位六往居之得位也位者 者諸侯之位坤土在上為邦君子之進正己而 也此两者以六居四言漸也或曰剛得中謂九 不勝進而得位往必有功故曰進得位往有功 才用之宅進而不得其位則无所施位過其才 163 月易義海横要 國正也猶女得所 为 艊 也 正 男 正

金ダセス 中 義内止静而外 則 六久為一三五一始進也五進之極三得中也已 正而應如同人是也此謂 以欲心之動躁而 其進未極漸 九三言漸也內良止也外異異也易傳曰人之進 不復進矣太玄曰 也在九五當日剛中而 4 異順其動不窮也故曰止而異 如是可進矣故曰其位剛得中也此 卷五 不得其漸 月闕其膊不 九三也 應如无妄幸是也當日中 則有困窮矣在 如開 剛陽德也其位在 明 於西 岡川 淅 極 得

象曰 たこりしたう 徳 求賢德使居位化風俗使清善皆須文德無下漸以 言漸也 進之正賢德以止異 窮也動言三四動動而正所以不窮此以兩體二爻 之象必居賢德善俗之間以務進其道孟子之母為 木生山上因山而高非是從下忽高故是漸義君子 則漸育人材善風俗則漸隆教化收 山上有木漸君子以居賢德善俗 朱 川易義海撮要 則居風俗以止異乃善注居賢 君子法漸進 盆

咎也 初六鴻漸于干小子属有言无咎象曰小子之厲義无 益为 正屋 石膏 賢之力也胡君子之進德習而後能安安非可陵節 子讒謗之言未傷君子之義注干水涯也正體陰質 也始進而未得其位則困於小子窮於語言因于小 始進而位乎窮下又无其應若復于干危不可以安 而處至也移風易俗不以其漸可乎作脫風字京 子三徒其都卒使其子為萬世亞聖之賢蓋其擇善

とうこう うしん 言義无咎矣介初以陰居防上无其應始欲進而位 為厲已也初當應四時三與之比以初為進而于 于下若鴻之漸于水涯者也施之小人則是不能正 所比故属有言初守其分不求其應四雖小子属 非其應應非其正小子之象也孔子曰未信而諫 滯不能漸進猶小人懷土宴安鴆毒當居德善俗之 日遂至有言然无應而止未至害義빨君子之進小 人所思胡鴻水鳥漸于干不失其宜也小子三四 闪易提海战要 £ 有

郵片 六二鴻漸于磐飲食行行吉象曰飲食行行不素飽也 然之事從衆人之知不能燭理故危懼而有言不知 善俗和光同塵以俟乎漸不失其正也表小人見已 始若能知有危隔善補過則獲无咎君子則能居德 无咎矣 在下所以有進用柔所以不躁无應所以能漸於義 而進必有危属責讓之言斯聖人垂戒小人居漸之 磐山石之安者也進而得位居中而應本无禄養進 四月全書 1<u>j</u>± **M** 卷五

保 征 九三鴻漸于陸夫征不復婦孕不育凶利禦寇象曰夫 也 是能養質故古陸 當位養賢是不素飽猶不素食也素空也不空自飽 不復離產配也婦孕不育失其道也利用樂宛順 陸 五以道義奉養賢人故曰飲食行行行稅益之謂 而得之其為歡樂願莫先為注位乎中正以應於五 高之頂也進而之陸與四相得不能復反者也夫 相

弘定匹库全書 雖得位行則无功有進正之名无正邦之用象之於 得位以此而進夷易之道然復失其中上无其應進 至使婦孕不育見利忘義貪進忘舊山之道也其體 漸于陸猶君子進於夷道也九三在下體之上剛 好合順而相保物莫能問故利樂寇註高平曰陸 不育也三本良體而棄于羣聽與四相得遂乃不 征不復樂於邪配則婦亦不能執貞矣非夫而孕故 則雖征伐而陷於危難不復其家者也象之於婦 卷五 鴻 反 而

しこうら とり 樂寇順以相保 睡 跟我也三以陽居陽剛進而過中 能復其身于出征也孕者漸以成體宜温柔以係 是獨高其行者有先人之志異夫羣衆衆所不與不 桿戎夫征不復是離羣醜婦孕不育由失其道利 无其功凶可知矣漸有女歸之吉異體相保之道也 今九三剛暴故至于傷其孕而不育是失其道夫漸 四與三相比而相得有同心不違之義故利用樂寇 雖受其孕而徒為憂難不育其子者也有其事而 18 川易義海橫要 文 之 用

彭片四月全書 在一卦之上故稱陸薛夫陽也謂三也三不守正而 謂不反於理義也卦之位爻无不善而獨失正則是 乎亦使小人得不陷於非義也是以順道相保禦止 之與小人比也自守以正豈惟君子自完其已而已 矣故雖孕不育也夫三之所利在禦寇而已盖君子 離其羣類也婦謂四也四以不正而合則不由其道 與四合是知征而不知復者也征行也復反也不復 之為體止而異戒其剛暴故有兹象收上九九三皆

大三日日上公生司一人 也 六四鴻漸于木或得其桷无咎象曰或得其桷順以巽 其惡也伊 順而相保所以六四得其安栖正木非鴻之所止漸 為梅之枝取其易直可安也六四與三相得无乗剛 之咎故曰无咎四雖東三體異而下附三雖被乗上 而得位於高或得其稱桷上附也承五而相得馬亦 六四進而得位故曰鴻漸于木桶樣也之木而遇堪 周易義海報要 芜

金牙口压石量 之下得三以順接之故介于二剛之間得位而无咎 網足而安棲謂上附於五故无咎房上承五以異事 咎 得其稱與上而承之也上順也順以異故來剛而无 咎子木雖在上非鴻之所安以其乗剛也比於兩剛 間而疑於所與是以稱或梅之為木在上者也或 其安而安也五異以順尊而相保不可傾奪故无 介進而漸于木栗剛失所也或得勁直之稱可容

交色四年在時 國 勝吉得所願也 九五鴻漸于陵婦三歲不孕終莫之勝吉象曰終莫之 成則道濟法二本應五三近止之而五而三故曰三 陵次陸者也進得中位而隔乎三四不得與其應合 男止乎內兩志不相感與是其交而不感也所以婦 歲不孕子少男下長女雖交而應然長女志乎外少 塗者也不過三歲必得所願矣進以正 邦三年有成 故婦三歲不孕也各優正而居中三四不能久塞其 問易義海探要

吉不可亂也 上九鴻漸于陸其羽可用為儀吉泉曰其羽可用為儀 金罗口尼白量 峨清遠儀可貴也注高過則反下故上復為陸進道 進處高潔不累於位无物可以屈其心而亂其志城 其終莫之好勝則吉收 已極志在夷易故曰鴻漸于陸羽毛所以輔鴻之飛 本隆禮禮尚無恭不務勝也好勝則失漸之義故保 三歲而不孕五剛而得中漸升尊位美之至也然漸

九二日月 二十五 可亂也 禮義所以輔上之德羽毛可取以為儀禮義可用以 為外物所動情欲所感故積累至于德業高大而 作達達雲路也猶賢人君子在下而登公輔之列 之人清遠之志不累於位可以表儀於天下石陸當 臣之定分也諸家改為陵非也上九在卦外如賢 故吉陸上雖高於五所以降云陸者以上是臣位君 為治也禮義為治則衆不可亂斯所以為夷易之道 胡復曰陸者戒使退而反于良異性樂上 周易義海提要 進 不 不 明

11 震上歸妹征凶无攸 金好四月在書 者也今自陵反陸得却之之正界馬流哉出處語 泰卦據兄嫁妹此卦以妹從娣而嫁成卦 而 介於道而適於分是亦儀民者矣 從姉嫁故謂之歸妹妹從姉嫁本非正匹惟 恒 甲退以事元妃若妄進求寵則有並后凶谷之 不止則躁涉之累至馬羽者或翔或戢籍而為 卦 明二長相承此卦以少承長非 利 坦 是匹敵 明 須 明 默 儀 自 相

柔桑剛 久三日月 台手 人之終始也說以 录曰歸妹天地之大義也天地不交而萬物不與歸 故 天地交合然後萬物蕃與聖人制禮令娣姓從其姑 則可欲專內政 正敌歸妹征凶妹者從娣而嫁本非其正用以 為夫婦之義漸四爻得正故漸女歸吉歸妹四爻失 曰征山无攸利正易以咸恒為夫婦之道漸歸 de. 則凸 動所歸妹也征凶位不當也无攸 周易義海撮 娶 陸 土 繼室 利 姟

金号正是石量 除長陽之氣共相交接所以審與萬物也天地以 男交嫁而係於姉是以說也係姊為媵不得别適若 男交少女所不樂也今說以動所 歸妹豈非 也二三四五並皆失位其勢自然柔皆乗剛其猶妾 不以備數更有動望之憂故係姊而行合禮說以動 陽 **姉而完妾媵者所以廣繼嗣以象天地少陰少陽** 相 交而生物不已人倫以長少相交而繼 天地之大義人倫之終始也少女而與長 卷五 歸必妹也雖與長 嗣 不 隂 長 絶

ってこうう 觧 娶九女正室死 妹從姉之象 石人有生則有死有威則有衰諸侯 息是人倫之終始也人非正匹豈樂從哉說而動是 媵求龍其勢自然以賤度貴以明柔之乗剛緣於失 妹也介女少而男長如用事而男下之之謂也夫所 正而進也正不孝有三无後為大姪娣之從廣其嗣 胡 以廣嗣息而承祖先之業是歸妹者人之終始也 少女歸長男得其常不失其時故曰說以 ことう 驯 右勝繼之以至左勝及姪婦 司易隆每最多 動 肵 絲 歸

象日澤上有雷歸妹君子以永終知般 郵好四母全書 歸妹相終始之道故以永終知做注夫婦之道有時 節妹人之終始也朱 而椒弃衰逐威人之常情君子所以歸好娣者所以 交然後有生生之道故前者有終而後者有始相續 於主人人道之始始之也終始相續生化无窮故曰 以下之者豈一日之故哉將相與終始故也被男女 不窮矣,父命子而醮之代父之道終之也婿受女

永長終知其必有椒且以廣其嗣也石夫人之所說 漢武之於勾弋夫人其知此乎繪雷震於上澤随而 者家大者國少母稚男妻妾之位不明嫡庶之分不 中做之患矣陳震長陽允少陰老夫女妻過以相與 也是以君子於說動相感之時必思永久之椒則无 者澤也所畏者雷也說中必知所畏君子終身之防 辨或不修於惟薄或干預於刑政其敬非可一二陳 非其正苟不知永終之敝而預防之不諱之後小

次定四年公生

周易義海擬要

名

能履吉相承也 初 金次口及人門 姉為娣雖非正娘不失常道譬猶跛人之足然雖 九歸妹以娣跛能履征吉象曰歸妹以娣以恒也 之道天下之反目者皆不能永終者也 JE. 祁刀 則吉妹而為娣常久之道行得其宜相承之吉正 少女之悅而動情之感也動則失正非夫婦久長 九以允適震非夫婦匹敵是從姉之義也妹而繼 不廢於能履少長非耦為妻而行則凶為娣而 伊 跛 行 不

欠三四月 二等 承二娣承嫡之象二承五嫡承夫之象故曰跛能履 **妹而以娣猶不正而能行也位雖不當行未失道上** 娣 從姊歸而復以娣從即又季也明矣當歸妹而用其 下相承故得征吉妹從姊娣從嫡相承之謂也陸 以久也敢者行之不安者也妹者雄之不正者也歸 相 禮以中正為得六三以位不當故凶歸妹則以不 承也介履之六三跛能履不足以與行何也履禮 明有讓也初以陽德而處卦下惟保其所恒故可 周易義海振要 Ł 初

· 新玩四周 全書 而 常也不取居正而又處下以尊正室行之奉上故得 若行之以正則是專正室矣所以能守其娣之禮為 也 居其正為得宜故行之以不正為吉何則尊正室也 正處就而順娣之有賢貞之德者也歸妹之義以就 上下順而吉相承收 雖在下不能有所為知政者之能履然征而吉 相承助其君娣之吉也 動非夫婦能常之道初有賢貞之德乃能以恒者 居下而无正應娣之象以剛 伊 居

欠戶四軍在島 九二眇能視利幽人之貞象曰利幽人之貞未變常也 陽居陰為不正也優之九二幽人貞吉同此文辭者 貞正者人之常履中不偏未變常也正履之六三以 其位不當故凶歸妹九二雖居中而云眇能視者以 内處中能守其常施之於人是處幽而不失自正也 失交合之道猶如眇目之人視雖不正不廢能視居 以其履道尚譕不貴處盈務致至誠惡夫外節者也 九二雖失位不廢居中處內以言歸妹雖非正配不 周易義海擬要 文

奪女兄之權故當退處其位分守其幽靜之道而不 然上有六五之應不可以越其位分而上進上進則 敢越且婦人以陰處陰又居內為得位故家人六 能盡甲下之節以承於上猶目之偏亦不廢於視也 在中饋貞吉今九二雖以剛處柔然位不當正合姊 之義利幽人之貞不亦宜乎收以陽居陰履非其正 无所侵越猶娣之禮務甲退也但專一奉正室而不 二以陽居陰履于無也况乎幽人之志專静而早退 欠已四年人与 常性也勾剛而得中女之賢貞者也五以陰柔之質 與之正應動於說者也乃女賢而娘不良也二雖賢 其貞正也無正自得而无邪競之心是見利而未變 不能自遂以成内助之功適可善其身而小施之如 廢故獲利也雖有其應不妄求進是未變常也胡以 之人不廢能視但居內守常同乎幽隱之人亦不失 不言歸妹雄之不正剛柔相反未足為明猶如眇目 陽居陰上應六五剛下而柔上是婦制其夫故爻辭 周易義海撮要 奎

體之上有欲求為室主之象正在天文織女為貴 故反歸待時以娣乃行也法六三在歸妹之時處下 室主猶存而求進馬進未值時故有須也不可以 之戒也 也其才如是而言利貞者謂宜於如是非不足而為 不正一自守其幽貞乃所利也二有剛貞之德幽 助者之視言不能及遠也男女之際當以正禮五雖 一歸妹以須反歸以娣象曰歸妹以須未當也 伊 進

.... 于紀至七年書权姬歸于紀是也未當者是言好 後歸君子之家以為姓娣故春秋隱二年書伯姬 年尚幼未可適人必待年於父母之國待其長大然 此言不當者以獨失歸妹之義陸六三以陰柔之質 幼小未當歸人必待年於父母之國也胡六三居 居 女為賤歸妹以賤女歸不當者也歸之不當而反歸 娣順以正也以柔乗剛是不敬也四文皆失位而 剛陽之位是履非其正者也猶好娣之從女兄其 可易慶与最奏 娣 歸

|郵定匹庫全書 皆未當故无取之者反歸以娣何也女謂嫁曰歸自 當位德不正也柔而上剛行不順也為說之主以 内之外也三本泰之四文三无所適反歸於四則得 而歸動非禮也上无應无受之者也如是而賤矣故 正其應在初初正也娣之位也諸娣從婦同行者也 召其女留之三年乃復嫁之率知為人婦之道春姜 故應初乃有以娣之義魯春姜之女三往三逐春姜 日未當也易傳曰未當者言其處其德其求歸之 **/** 卷】 說 理

ここ・ショラ ここう 九四歸妹愆期遲歸有時象曰愆期之志有待而行也 時謂仲春六五以陰柔在上是姉之象凡女子十五 後 待年也愆期以待年當年以待時運待也愆期之志 夫以不正无應而適人必須被道窮盡无所與交然 知 而嫁笄而字今五正當嫁則四之年未及其時但隨 可以往故愆期遲歸以待時沒妹當歸而愆 反歸以娣之義也朱 年而往是未虧也待時之義得禮而行是所宜 因易養每嚴要 21.0 期 طه 者

一一一年全主 姉 子之有正德而賢者也无正應未得其歸也愆期 說 子少女是歸妹之愆期者也女過處年則 之志有待而行也收四上體地之高也陽明居之 之志而不為淫奔之行兹待禮而行者故象曰 售有待而行者也短期之志以明在已而不在 然四 而行故曰您期遲待也待姉而 動 以陽處陰不居其正合歸妹之象雖有 謂 少女說從於長男今四居下體之上位過 行が行有時也 興 摽 愆 菿力 梅 女 期 望 之 る

也 象曰帝乙歸妹不如其娣之袂良也其位在中以貴行 六五帝乙歸妹其君之於不如其娣之於良月幾望古 父年四年 白雪 也 六五居歸妹之中獨處貴位是帝王所嫁之妹也袂 少雖有其君崇飾之袂猶不若以少從長之為美也 君之袂配在九二允少震長以長從少者也以長從 衣袖也所舉斂以為容帝王嫁妹為之崇飾故曰其 17 周易義海禄要 T

取以為言君者諸侯正室之小君也言姓娣本甲 月幾望者陰而貴盛如月之近望以斯適配 正 之位今六五居極貴之地是正室已死而 也帝乙商之賢王於時最能盡婚姻之禮故聖人 之德亦不如娣之容禮最全備而良善也但如 以陰柔之質居上卦之中是猶帝乙之王所歸之 室有柔順之德能盡婦道以配 少從長然以貴而行往必合志故得古也正 於君子雖其正室 娣 錐 姪 月銭 繼 不 Ħ. 為

次定四年 在時 國 戚 贵也胡六五在上歸妹之為女君者也九二在下歸 事君如女之事夫不可藏滿以敵其上六五以陰 故帝乙歸妹其君之袂不如其娣之袂良也亦臣之 妹之為娣者也二以陽處陰娣之威也五以陰處陽 女君之無者也應乎九二能逮下者也能逮下而 望不至盈滿則獲其吉也其位在中以貴行也者是 好 郊至此得繼其姉而為正室以配於上是以 賤從 位可謂帝乙之歸妹於人也言六五若作小君夫 四号後海撮要 H 謕 居

Í 節為事幾望未至於盈不亢其夫之象也 歸妹泰之六五是也尊高之德同娣媵娣媵則以容 下應於二下嫁之象易中陰尊而無降者則曰帝 不凌其夫則其禮容不如娣之威馬善之善者也 王姬下嫁諸侯夫婦之禮不可廢也故小君降心而 下乎甲帝乙歸妹也天子歸妹於臣下以貴行也雖 如月之望亦你終吉陳當位下應乎二君禮於臣尊 之崇飾不治無以自收作姪娣之容儀則雖除威 人 大江日日 八十年 承虚筐也 上六女承筐无實士到羊无血无攸利象曰上六无智 誠女承筐而无實則助真之禮不成士則羊无血則 祭廟之誠不至以柔東剛下无其應上女子之行病 允為羊不應於上故无實與血也實以象義血以象 應所命也進退莫與故无攸利注六三陰虚象筐體 羊謂三也處卦之窮仰无所承下又无應為女而承 命則筐虚而莫之與為士而下命則到羊而无血不 問易義海撮要

羊而无血陰很而不可勝之象也此士之不得其所 夫之道而不得其所御是以无攸利也介上六女歸 御者也上六失為婦之道而不得其所承六三失為 為士到羊无血羊之為物很者也血者陰之傷也 子以永終知敝故於卦之終而著道之敬馬陸六 以陰居陽失夫之道上六以陰在上失女之道六三 之終而无應女歸之无終者也筐篚无實則无以奉 於斯矣无實无血故无攸利夫歸妹人倫之終始 卷五 君 刲

金人口屋石書

た三日月 Man 祭祀也故到羊而无血亦无以祭也婦不能奉祭祀 祭祀夫婦共承宗廟婦不能奉祭祀乃夫之不能永 則當離絕矣何所往而利哉伊 周易義海拔要 4

TET 1 7 000 2 7 7	-	Anna Alle Market.	-	32 V. II. 10	-			
周易義海撮要卷五								我与口唇自言
掖								y
一要							ļ	
卷								
五								卷五
j								五.
ĺ								
			}					
İ								
		,						:
			İ					
			, ,					
l								
	<u> </u>	<u> </u>	<u></u>	l	<u>L</u>	<u> </u>		L

The sales of the sales of the property of the sales of th